

# info bilten

VISOKO



Informativno glasilo Općine Visoko, br. 01, I - XII 2013. g.



## Poštovani građani općine Visoko,

*Pred Vama je prvi bilten Općine Visoko štampan s namjerom da se javnosti prezentiraju aktuelna dešavanja i rad općinske administracije u 2013. godini. Umjesto uvoda prenosimo dio Novogodišnje čestitke koju je građanima uputila Općinska načelnica, gđa. Amra Babić.*



*Načelnica Općine Visoko Amra Babić, mr.sci*

“U prethodnoj, 2013. godini, Općina Visoko je realizovala značajne projekte koji su podigli nivo standarda života građana. Izgrađena je i otvorena ambulanta porodične medicine u Donjem Moštru ukupne vrijednosti oko 1,5 milion KM, izgrađen vodovodni prsten u poslovnoj zoni Ozrakovići, realizovan projekat izgradnje kolektora, obaloutvrde i regulacije dijela toka rijeke Bosne sa čišćenjem obale, asfaltirane saobraćajnice u naseljima Topuzovo Polje, Vrblje, Donje Moštre, urađena rekonstrukcija vodovodne mreže u ulici Rašidovića, rekonstruisan most u Dobrinju, izgrađen rezervoar u Porječanima, asfaltiran put Ginje – Dvor, otpočeti radovi na zaštiti izvorišta Vrutak, izvršena vodoistraživanja na lokalitetima Vrutak i Šćine njive, rađeni poslovi na izgradnji vodovoda u Zimči, uklonjeno preko 100 minsko-eksplozivnih sredstava i deminirano preko 200.000 m<sup>2</sup> na lokalitetu Prijeko, započeta izgradnja Kulturnog centra u Prijekom, započet projekat izgradnje stadiona sa vještačkom travom u sportskom kompleksu Luke, osigurana tri kamiona za odvoz smeća, i još mnogo drugih projekata. Ukupna vrijednost projekata realizovanih u 2013. godini iznosi preko 4 miliona KM, a vrijednost započetih je dva puta veća.

Istovremeno, radili smo na reformi administracije i administrativnih postupaka, stvaranju boljeg ambijenta za privredni razvoj, reformi javnog sektora, izradi strateške i planske dokumentacije i pripremi projekata za naredni period. Ostvarili smo dobru saradnju i osigurali sredstva za realizaciju projekata preko TIKE, TURSKE VLADE, NORVEŠKE VLADE, Federalnog ministarstva za okoliš, Federalnog fonda za zaštitu okoliša, Federalnog ministarstva za kulturu i sport, Federalnog ministarstva zdravstva, Agencije za slivove rijeke Save, Kantonalnog ministarstva poljoprivrede, Kantonalnog ministarstva prostornog uređenja, i mnogih drugih donatorskih organizacija i društveno odgovornih privrednih subjekata. Godinu smo završili sa ambicioznim planovima, podvučenim računima za 2013. i usvojenim Budžetom i Programom rada OV za 2014. godinu, što je izraz odgovornosti koju je preuzela većina u Općinskom vijeću.

U 2014. godinu, za koju mnogi tvrde da će biti finansijski i ekonomski izuzetno teška i izazovna, krenuli smo sa realizacijom zacrtanih planova u svakoj oblasti našeg javnog zajedničkog života.

Poštovane sugrađanke i sugrađani, želim vam puno zdravlja, sreće i uspjeha u narednom periodu. Neka nam svima predstojeći dani, uz nove izazove donesu i nova zadovoljstva. Neka naša općina i njezini građani budu primjerom odgovornosti i zajedništva u izgradnji svoje budućnosti!”

Babić (Muhameda) Amra, rođena 16.02.1969. godine u Visokom. Diplomirala i magistrirala na Ekonomskom fakultetu Univerziteta u Sarajevu. Samostalni računovođa, ovlaštenu revizor i sudski vještak finansijske struke. U toku radnog vijeka radila u privredi, bankarstvu, osiguranju. Bila Općinski vijećnik općine Visoko u dva mandata, 2004. i 2008. godine. Obavljala dužnost Ministrice finansija u Vladi Zeničko-dobojskog kantona. Na dužnosti Načelnice Općine Visoko od 14.11.2012. godine.



**SADRŽAJ:**

Općinska administracija	4
Novosti iz administracije	5
Strateške aktivnosti i dokumenti	13
Novosti iz Općinskog vijeća	19
Javne ustanove i Javna preduzeća	24
Novosti iz mjesnih zajednica	31
Privredni sektor	36
Najznačajniji datumi	42
Diplomatske posjete	50
Kultura, sport, privreda	54
Projekti za bolje Visoko	60
Političko - ekonomske posjete	66

**CENTRALA OPĆINE VISOKO: tel. 032/ 732-500**

**OPĆINSKA INSPEKCIJA: tel. 032/ 732-556**

**OPĆINA VISOKO**

Ul. Alije Izetbegovića 12A, 71300 Visoko, Zeničko-dobojski kanton, BiH

**IZDAVAČ: Općina Visoko**

**Broj tel. 032/732-500**

**Broj faxes. 032/738-330**

**E-mail: info@visoko.gov.ba**

**KONTAKTI:****Služba za poslove Općinskog načelnika**

Broj tel. 032/732-501

Broj faxes. 032/738-330

E-mail: nacelnica@visoko.gov.ba

**Služba za poslove Općinskog vijeća**

Broj tel. 032/732-502

Broj faxes. 032/735-711

E-mail: vijece@visoko.gov.ba

**Služba za opću upravu i inspeksijske poslove**

Broj tel. 032/732-503

Broj faxes. 032/738-386

E-mail: opcauprava@visoko.gov.ba

**Služba za društvene djelatnosti i boračko-invalidsku zaštitu**

Broj tel. 032/732-504

Broj faxes. 032/738-848

E-mail: drustvene@visoko.gov.ba

**Služba za privredu, finansije i lokalni ekonomski razvoj**

Broj tel. 032/732-505

Broj faxes. 032/738-401

E-mail: privreda@visoko.gov.ba

**Služba za urbanizam, stambeno-komunalne poslove i katastar nekretnina**

Broj tel. 032/732-507

Broj faxes. 032/736-571

E-mail: urbanizam@visoko.gov.ba

**Služba civilne zaštite**

Broj tel. 032/735-700

Broj faxes. 032/735-700

E-mail: cz@visoko.gov.ba

**Općinsko pravobranilaštvo**

Broj tel. 032/732-513

Broj faxes. 032/738-330

E-mail: pravobranilac@visoko.gov.ba



**J**avna uprava ima značajnu ulogu u svakodnevnom životu građana, te utiče na kvalitet života i ostvarivanje velikog broja temeljnih prava.

U Općini Visoko kao jedinici lokalne samouprave organizirana je predstavnička i izvršna vlast. Predstavničko tijelo Visokog je Općinsko vijeće koje ima 25 vijećnika koji zastupaju interes građana iz 26 mjesnih zajednica. Nosilac izvršne vlasti u Visokom je Općinska načelnica, a na raspolaganju ima 7 službi koje joj pružaju podršku pri donošenju različitih odluka. Načelnica rukovodi općinskom administracijom, provodi općinsku politiku i izvršava općinske propise, te zajedno obavljaju poslove koje na Općinu prenesu kantonalna i federalna vlast. U periodu od 14.11.2012. pa do danas, ukupno je pezionisano 10 uposlenika, jednom je prestao radni odnos zbog smrti, a jednom zbog prelaska u drugu organizaciju, tako da je u jedinstvenom općinskom organu uprave ukupno zaposleno 93 uposlenika putem slijedećih Službi i Odsjeka:

### JEDINSTVENI OPĆINSKI ORGAN UPRAVE



## Digitalizacija matičnih knjiga

U skladu sa Zakonom o matičnim knjigama, u cilju uspostave Registra baze podataka matičnih evidencija, realizovan je veoma značajan Projekat umrežavanja mjesnih ureda sa Matičnim uredom Visoko, tako da su u 2013. godini intenzivirane aktivnosti na digitalizaciji matičnih knjiga u mjesnim uredima: Moštre, Gračanica i Buci.



Realizujući ovaj veoma značajan projekat, zaključno sa 31.12.2013. izvršeno je ukupno 143.134 unosa, procentualno iskazano:

- Matični ured Visoko - 100,0 %
- Mjesni ured Moštre - 71,5 %
- Mjesni ured Gračanica - 13,2 %
- Mjesni ured Buci - 9,5 %

Očekujemo da će se cjelokupan proces digitalizacije matičnih knjiga u mjesnim uredima okončati sredinom 2014. godine.

## Poslovi informatizacije



U svrhu unapređenja efikasnosti i kvalitete javnih usluga prema građanima i poslovnim subjektima, te unapređenja radnih procesa i toka informacija unutar i između općinskih službi, kao i Općinskog vijeća, u Općini Visoko se koriste najsavremenije informacione i komunikacione tehnologije.

Tako je u cilju kolanja i distribucije materijala i dokumenata potrebnih za rad Vijeća i općinskih službi implementiran sistem intra i ekstra mailinga sa definisanim i strukturiranim formatima, te uspostavljenim procedurama za produkciju, ažuriranje i distribuciju elektronskih dokumenata.

Uspostavljeni su novi servisi i nove funkcionalnosti, te je izvršen redizajn oficijelne web stranice. Optimizovan je i integriran rad mjesnih ureda, te je u značajnom obimu izvršena harmonizacija podataka matičnih evidencija neophodna u procedurama vezanim za biometrijske provjere.

## Uvođenje prekršajnih naloga u rad odsjeka za inspekcijske poslove

Odsjek za inspekcijske poslove Općine Visoko je krajem oktobra završio implementaciju projekta uvođenja u Bazu registra novčanih kazni i prekršajne evidencije u BiH. Time je omogućeno inspekcijsko izdavanje prekršajnih naloga – novčanih kazni na licu mjesta prema pravnim i fizičkim licima za učinjene prekršaje.

## Prvi volonteri u Općini

Općinska načelnica Amra Babić, zajedno sa svojim pomoćnicima, početkom aprila održala je svečani sastanak s primljenim kandidatima volonterima koji su izabrani na osnovu Javnog poziva za prijem volontera. Ovim sastankom, ozvaničen je početak volonterskog rada 12 primljenih kandidata koji su raspoređeni u službe za upravu i posebne službe Općine Visoko. U toku 2013. godine primljeno je još troje volontera koji su odmah počeli sa aktivnim radom u općinskim službama.



## Održani izbori u mjesnim zajednicama

U skladu sa Odlukom Općinskog vijeća Visoko, u aprilu 2013. godine, provedeni su izbori za članove savjeta u mjesnim zajednicama općine Visoko. Poslije održanih priprema, izborni dan 21.04.2013. godine protekao je prema planiranim aktivnostima. Na 26 otvorenih biračkih mjesta, glasalo je 5.676 birača, što predstavlja 16,91 % ukupnog biračkog tijela.

Rezultati izbora potvrđeni su na 7. sjednici Općinskog vijeća Visoko, održanoj 01.06.2013. godine. Izabranim predsjednicima savjeta mjesnih zajednica, u skladu sa Statutom općine Visoko, mandat traje četiri godine.

### MJESNA ZAJEDNICA

- Arnautovići
- Buci
- Bulčići
- Buzić Mahala
- Centar
- Čekrekčije
- Dobrinje
- Goduša
- Gračanica
- Koložići
- Kralupi
- Kula Banjer
- Liješeva

### PREDSJEDNIK SAVJETA

- Muzaferija Sabahudin
- Muratović Ejub
- Sokolović Sejd
- Fejzagić Senad
- Ašlama Vejsil
- Kučuković Alen
- Krehić Suvad
- Babić Eniz
- Uzunalić Emir
- Mušinbegović Amir
- Džafić Edin
- Šukrija Fikret
- Ohran Akif

### MJESNA ZAJEDNICA

- Moštre
- Novo Naselje
- Orašac
- Podvinci
- Porječani
- Radovlje
- Rosulje
- Stari Grad
- Topuzovo Polje
- Tušnjici
- Vratnica
- Zimča
- Željeznička stanica

### PREDSJEDNIK SAVJETA

- Dervišević Ismet
- Džafić Esmir
- Durić Salem
- Zukan Nihad
- Genjac Dževad
- Mihaljević Taib
- Balta Amir
- Novokmet Mirza
- Dragunić Esmer
- Huseljić Ešref
- Hodžić Mirzet
- Kurgaš Refik
- Kunić Ibrahim

## Novo radno vrijeme općinskih službi



**R**adno vrijeme općinskih službi za upravu i posebnih službi Općine Visoko utvrđeno je u sljedećim terminima:

Od 8,00 do 16,00h svakim radnim danom u sedmici.

Od 8,00 do 16,00h prva radna subota u svakom mjesecu.

Pausa u radnom vremenu za uposlene je od 10,30 - 11,00 sati.

## Sistem upravljanja kvalitetom u Općini



**P**redstavnik certifikacijske kuće TÜVadria d.o.o. izvršio je u septembru provjeru provođenja sistema upravljanja kvalitetom i upravljanja zaštitom okoline u Općini Visoko.

Nakon provjere i obilaska općinskih službi, ocijenjeno je da se ova dva sistema održavaju kvalitetno i funkcionalno.

## Trezorsko poslovanje



**O**pćina Visoko, od 1. januara 2013. godine uvela je trezorsko poslovanje. Cilj uvođenja trezorskog poslovanja je veća transparentnost, unapređenje upravljanja javnim rashodima i prihodima, te racionalno trošenje novca.

Trezorsko poslovanje je zakonska obaveza Općina od 2002. godine.

## BUDŽET OPĆINE VISOKO 2012. i 2013. GODINE

**Zatečeni deficit u 2012. godini 1.853.466,80 KM. Odličnim vođenjem Općine u 2013. godini ostvaren suficit u iznosu od 723.598,72 KM. Plaćeno 1.958.062,56 KM prenesenih dugovanja.**

**O**pćina Visoko u 2012. godini ostvarila je ukupne budžetske prihode u iznosu od 8.238.357,32 KM, dok su rashodi iznosili 10.091.824,12 KM. Preuzimanjem funkcije 2012. godine Načelnica Amra Babić zatekla je deficit u iznosu od 1.853.466,80 KM za navedenu budžetsku godinu, te ukupni akumulirani deficit u iznosu od 2.600.040,07 KM.

U 2013. godini Općina Visoko je ostvarila ukupne budžetske prihode u iznosu od 8.022.701,81 KM, dok su rashodi iznosili 7.299.103,09 KM. U godini koja je bila veoma teška u ekonomskom i socijalnom aspektu, Načelnica Babić je domaćinskim vođenjem Općine ostvarila suficit u iznosu od 723.598,72 KM, što predstavlja prvi pozitivni rezultat u posljednjih nekoliko godina. U 2013. godinu prenesene su obaveze prema dobavljačima u iznosu od 2.600.040,07 KM, od čega je u 2013. godini plaćeno 1.958.062,56 KM. Sredstva namijenjena za raspored udruženjima i pojedincima iz oblasti sporta i kulture, prvi put su raspoređena po osnovu Javnog poziva i dostavljenih projekata koje je po utvrđenim kriterijima razmatrala i ocjenjivala Komisija.

### Pregled obaveza prema hronologiji njihovog nastanka i najvećim povjeriocima:

DOBAVLJAČ	IZNOS PRENESENIH OBAVEZA	OD TOGA PLAĆENO	PREOSTALO
JKP Visočica	715.460,54	715.460,54	0,00
RD Moščanica	376.798,20	355.614,66	21.183,54
Centrotrans	515.915,89	354.632,56	161.283,33
Elektrodistribucija	163.962,25	163.962,25	0,00
Ostali dobavljači	827.903,19	368.932,55	458.970,64
<b>UKUPNO:</b>	<b>2.600.040,07</b>	<b>1.958.602,56</b>	<b>641.437,51</b>

## Općina Visoko prva partnerska općina u projektu «Fiskalni monitor»

**M**eđunarodni republikanski institut (IRI), u saradnji sa Sarajevskom školom za nauku i tehnologiju, u sklopu projekta „Fiskalni monitor“, održao je seminar za službenike i vijećnike u Općini Visoko.

Općina Visoko je prva partnerska općina u Bosni i Hercegovini koja je učestvovala u projektu „Fiskalni monitor“ koji zagovara budžetsku transparentnost i veće uključivanje građana u proces budžetiranja.



## Obnovljen rad Dobrovoljnog vatrogasnog društva “Visoko”

**U** Velikoj sali Općine Visoko, 25.06.2013. godine, održana je osnivačka skupština Dobrovoljnog vatrogasnog društva (DVD) “Visoko” Visoko. Članovi Skupštine izabrali su Upravni odbor: Bajro Fejzić, Salko Karić, Ragib Karavdić, Sead Beba, Hajrudin Handžić, Edhem Čičak, Fadil Mostić i Nermin Kadrić. Deveti član, Suad Mlačo, izabran je na prvoj sjednici Upravnog odbora, kao član koji je ujedno i komandir vatrogasne jedinice. Za predsjednika DVD “Visoko” izabran je Bajro Fejzić. Dobrovoljno vatrogasno društvo “Visoko” je jedna od najstarijih organizovanih institucija u Visokom i Zeničko-dobojskom kantonu, jer postoji 116 godina, tačnije od 1897. godine kad je održana prva Osnivačka skupština Dobrovoljnog vatrogasnog društva “Visoko”.



## Projekat «Volontiraj - Kreditiraj» u Općini Visoko

**U** sklopu projekta “Volontiraj-Kreditiraj” koji realizuje Udruženje Infohouse u okviru sedmog Socijalnog dana na području Bosne i Hercegovine, Općina Visoko je na jedan dan uposlila tri učenika iz Gimnazije “Visoko” i dva učenika iz MSŠ “Hazim Šabanović”.

Učenici su bili raspoređeni po općinskim službama gdje su se praktično upoznali s radom općinske administracije, te i sami učestvovali u radu istih.

## Unapređenje rada Jedinstvenog općinskog organa uprave

**U** Općini Visoko radi unapređenja rada Jedinstvenog općinskog organa uprave donesene su odluke kojima su regulisani svi odnosi na unutrašnjoj organizaciji rada uposlenika (kućni red, elektronska evidencija dolaska i odlaska uposlenika na posao, unutrašnja komunikacija službi elektronskim putem, mjere štednje i drugo).

## Velika sala Općine Visoko dobila novi izgled, a vijećnici novi način komunikacije


Radni materijali za sjednice općinskog vijeća Visoko od prve konstituirajuće sjednice šalju se isključivo elektronskim putem, a svi vijećnici su na korištenje dobili tablete preko kojih preuzimaju materijale i iste koriste za rad. Ovim aktivnostima izvršeno je unapređenje rada Općinskog vijeća Visoko i racionalizacija troškova, te je omogućeno vijećnicima da u svakom trenutku mogu pristupiti materijalima sjednica.

Pored tehničkog unapređenja rada Općinskog vijeća, Općina Visoko je izuzetnu pažnju posvetila komuniciranju s javnošću i e-komuniciranju administracije i vijećnika, kao i ustanova i javnih preduzeća sa medijima i građanima.



## Nova slika o Visokom: oficijelna web stranica Općine Visoko

U Velikoj sali Općine Visoko upriličena je prezentacija nove web stranice Općine Visoko, [www.visoko.gov.ba](http://www.visoko.gov.ba), stranice sa novim funkcionalnostima i modernim dizajnom, koje će olakšati komunikaciju građana općine Visoko i općinske administracije, te koja nudi informacije o svim segmentima bitnim za općinu Visoko. Međunarodni republikanski institut (IRI) u potpunosti je finansirao troškove izrade, a novi i savremeni dizajn implementiralo je Udruženje „doIT“ iz Sarajeva.



## Projekat poboljšanja poslovnog okruženja i konkurentnosti

Međunarodna finansijska korporacija (IFC), članica Grupacije Svjetske banke i Općina Visoko krajem novembra 2013. godine potpisali su Ugovor o saradnji u oblasti poboljšanja poslovnog okruženja u općini Visoko.

Zajednički projekat, rezultat je opredjeljenja Općine Visoko da aktivno učestvuje u postupku reforme administrativnih postupaka, u cilju kvalitetnijeg pružanja usluga građanima i privrednim subjektima, te unaprjeđenja uslova, smanjenja rizika i troškova poslovanja.

Projekat poboljšanja poslovnog okruženja u Općini Visoko realizuje se uz pomoć Međunarodne finansijske korporacije (IFC), članice Grupacije Svjetske banke i Kraljevine Švedske. Tokom realizacije Projekta, očekuju se sljedeći rezultati: racionalizacija i pojednostavljenje administrativnih postupaka za poslovanje koji su u nadležnosti Općine Visoko; značajne uštede za privredne subjekte koji posluju na prostoru naše općine; povećanje konkurentnosti Općine Visoko kroz



smanjenje troškova i rizika poslovanja za firme; kreiranje elektronskog registra ("E-registar") svih općinskih administrativnih postupaka, povećanje transparentnosti u provođenju administrativnih postupaka na općinskom nivou i uspostavljanje organa za regulatornu

reformu na nivou općine Visoko koji će poboljšati kvalitet novih propisa. Na sastanku održanom u decembru 2013. godine, Općinska načelnica Amra Babić naglasila je da će Općina Visoko do kraja 2014. raditi na provođenju regulatorne reforme u sklopu ovoga projekta.

## Certificiranje i samoprocjena po CAF metodologiji



CAF metodologija je instrument upravljanja kvalitetom koji je EU prepoznala kao vodeći mehanizam ocjene javne administracije. Općina Visoko uključena je u ovaj projekat od 25.03.2013. godine. CAF metod zasnovan je na principu da se izvrsni rezultati organizovanog funkcionisanja postižu putem efektivnog liderstva, planiranjem, upravljanjem ljudskim resursima, partnerstvom i ostalim resursima. CAF osigurava snažan okvir za pokretanje procesa stalnog unaprjeđenja.

## Uvođenje E-registra, sistema praćenja zahtjeva



Odnos između Općine i građana unaprijeđen je implementiranjem E-registra kao sistema praćenja zahtjeva, što predstavlja funkcije koje su od posebnog značaja za lokalno stanovništvo, budući da su njihovi efekti direktno vidljivi u svakodnevnom životu građana općine Visoko. Značajan napredak je postignut digitalizacijom matičnih knjiga te izdavanjem izvoda iz matičnih knjiga u elektronskoj formi. Radi unaprjeđenja rada Odsjeka za inspeksijske poslove realizovan je projekat unošenja u Bazu registra novčanih kazni i prekršajne evidencije u BiH.

## Besplatno kreditno savjetovanje prezaduženih građana

U sklopu druge faze projekta "Mikrofinansiranje u BiH", Općina Visoko je potpisala Ugovor o saradnji sa Međunarodnom finansijskom korporacijom - IFC, članicom grupacije Svjetske banke, o pružanju usluga besplatnog kreditnog savjetovanja građana. Općina Visoko je potpisivanjem ovog ugovora postala prva općina u Bosni i Hercegovini koja će na ovaj način ponuditi savjete svojim prezaduženim građanima.

*Mogućnost korištenja usluga besplatnog kreditnog savjetovanja građanima Općine Visoko omogućeno je u zgradi Općine svaki ponedjeljak, srijedu i petak od 13:00 sati do 15:00 sati, te u prostorijama Centra za socijalni rad Visoko svaki I i II ponedjeljak u mjesecu od 9:00 do 13:00 sati.*

## Besplatna pravna pomoć za stanovnike općine Visoko

Kantonalni zavod za pravnu pomoć Zeničko-dobojskog kantona pruža besplatnu pravnu pomoć licima u stanju socijalne potrebe. Centar za socijalni rad Visoko ima mogućnost korištenja usluga Zavoda u postupcima određivanja privremenog zastupnika i staratelja za posebne slučajeve. Osnovni zadatak Zavoda je da isključivo osobama slabog imovinskog stanja omogući besplatnu pravnu pomoć.

*Pripadnici navedenih kategorija besplatnu pravnu pomoć mogu potražiti putem Centra za socijalni rad u Visokom svaki I i II ponedjeljak u mjesecu, u toku radnog vremena, ili se direktno obratiti Kantonálnom zavodu za pravnu pomoć ZDK na adresu: Ulica Kočevska čikma br.1, 72200 Zenica.*

## Jednokratne novčane pomoći pripadnicima boračke populacije

U skladu sa Kriterijima o odobravanju novčane pomoći pripadnicima boračke populacije u toku 2013. godine, odobreno je 146 zahtjeva za jednokratne pomoći u pojedinačnom iznosu od 50 do 200 KM namijenjene za liječenje.

## Općina participira u troškovima prevoza učenika i studenata

Plaćanje troškova prevoza učenika osnovnih škola je u nadležnosti kantona, dok za troškove prevoza učenika srednjih škola i studenata ne postoji zakonska obaveza, te je Općina preuzela obavezu da participira u troškovima prevoza učenika i studenata. Od 1.1.2013. godine u primjeni su novi Kriteriji za kategorije učenika srednjih škola i studenata koji imaju prava korištenja participacije: učenici i studenti sa invaliditetom, učenici i studenti bez oba roditelja, djeca šehida, ratnih vojnih invalida sa 100% i 90% invaliditeta, djeca dobitnika najvećih ratnih priznanja, te ostali učenici i studenti u stanju socijalne potrebe.

Na osnovu odluke o izvršenju Budžeta Općine Visoko za 2013. godinu i Kriterija za kategorije učenika srednjih škola i studenata koji imaju pravo korištenja participacije u prevozu, u 2013. godini pravo na participaciju u prevozu ostvarilo je 529 učenika i 108 studenata koji imaju prebivalište na području općine Visoko. Dug Općine Visoko prema „Centrotrans – eurolines“ d.d. Sarajevo na dan 31.12.2012. godine iznosio je **515.915,89 KM**, a na dan 31.12.2013. godine iznosio je **234.210,81 KM**. U 2013. godini plaćane su zaostale, ali i tekuće obaveze za prevoz učenika i studenata.

## Mjesec maj: promocija najboljih učenika generacije



U Općini Visoko upriličeni su prijemi za učenike generacije visočkih srednjih i osnovnih škola. Općinska načelnica se tokom prijema obratila učenicima, te im čestitala na postignutom uspjehu i uručila novčane poklone.

## Prijem maturanata - djece šehida i poginulih boraca



U prostorijama Općine Visoko upriličen je prijem za sedam maturanata školske 2012/13. godine – djece šehida i poginulih boraca. Prijem se tradicionalno organizuje u saradnji sa Asocijacijom Fatma i Udruženjem porodica šehida i poginulih boraca '92, te predstavlja priliku da se obilježi završetak drugog ciklusa obrazovanja i odgoja, kao i ulazak u novu životnu etapu punoljetnosti ovih mladih ljudi. Prijemu kod Načelnice Babić su prisustvovali: Buhić Adnan, Hasanković Almedina, Kamarić Nermina, Lepić Arif, Mandžić Semir, Pamić Dalila i Šabanović Merjema. „**Ne moraju svi biti odlični učenici, ali mogu svi biti odlični ljudi**“ kazala je prisutnim maturantima Načelnica Babić, te im je ovom prigodom uručila i skromne novčane poklone.

## Prijem studenata - djece šehida i poginulih boraca

Povodom održavanja Redovne izvještajne skupštine Organizacije šehida i poginulih boraca „Visoko 92“, Općinska načelnica je 28.03.2013. godine upriličila prijem djece šehida i poginulih boraca – studenata na visokoškolskim ustanovama. Ovom prilikom Načelnica je uručila novčane poklone za 78 studenata.

## Jednokratne novčane pomoći redovnim učenicima i studentima

Općina, iako u nadležnosti nema obrazovanje nijednog nivoa, pruža pomoć i podršku učenicima i studentima sa područja općine Visoko putem jednokratnih novčanih pomoći. U 2013. godini, na osnovu Kriterija za dodjelu jednokratne novčane pomoći redovnim učenicima i studentima, ovaj vid pomoći ostvarilo je 57 korisnika.



U 2013. godini u oblasti Javne uprave započeto je s izradom slijedećih strateških dokumenata:

- Strategija razvoja Općine Visoko 2015-2021.
- Strategija komuniciranja s javnošću 2015-2021.
- Strategija za mlade

U 2013. godini u oblasti Prostornog planiranja započeto je s izradom slijedećih strateških dokumenata:

- Prostorni plan općine Visoko
- Urbanistički plan općine Visoko
- Regulacioni plan Ozrakovići
- Urbanistički projekat Centar

## Smjernice reforme javnog sektora: efikasan rad i bolja usluga

Općinsko vijeće usvojilo je prijedlog dokumenta Smjernica reforme javnog sektora općine Visoko. Ovaj dokument daje smjernice za strateško pozicioniranje i organizaciju javnih preduzeća i javnih ustanova u obavljanju povjerenih im javnih funkcija, kako bi ista bila sposobna staviti se u funkciju implementacije postavljenih ciljeva osnivača, Općine Visoko. Reforma ima za cilj efikasniji i bolji javni sektor sa kvalitetnom uslugom za krajnjeg korisnika, građane općine Visoko, na višem nivou, uz manji uticaj na općinski budžet. Javni sektor koji će biti podrška općinskoj administraciji za izgradnju boljeg i ljepšeg mjesta za život, podrška u nastojanju da se od općine stvori lokacija po-

željna za turiste, ali i investicijska ulaganja. U tom smislu sva javna preduzeća i javne ustanove moraju u fokus staviti krajnjeg korisnika, a posljednično tome svoju organizaciju, unutrašnje uređenje, domaćinski pristup upravljanju povjerenim resursima i poslovima, te praćenje trendova razvoja javnog sektora u okruženju.



## Vodoistražni radovi - rješavanje osnovnih životnih potreba

**N**a izvorištima Vrutak i Šećine njive izvršeni su vodoistražni radovi. Iskazan je optimizam sa utvrđenih 100 l/s i sve izvjesnije je širenje gradske vodovodne mreže na područja: Prijeko, Čekrekčije, Kula Banjer, Gračanica i MZ Moštranskog kraja (Liješeva, Kološići i Orašac). Uz dvije Studije koje su trenutno u izradi, Studija vodosnabdijevanja općine Visoko i Studija prikupljanja, odvodnje i prečišćavanja otpadnih voda s područja općine Visoko, kao i Projekat proširenja gradske vodovodne mreže općine Visoko, stvaraju se realne pretpostavke za rješavanje ovih najvećih životnih problema koji se već decenijama nisu uspjeli pokrenuti s mrtve tačke.



## Odobrena sredstva za sufinansiranje transporta otpada

**N**a osnovu Javnog poziva Federalnog ministarstva okoliša i turizma, a u vezi sa korištenjem sredstava "Akcioni plan strategije okoliša" za 2013. godinu iz programa "Sufinansiranje troškova transporta otpada na regionalne centre za upravljanje otpadom" Općina Visoko je 05.07.2013. godine uradila aplikaciju i uputila zahtjev za sufinansiranje projekta: "Sufinansi-

ranje troškova transporta otpada sa područja općine Visoko na regionalnu deponiju Mošćanica". Federalno ministarstvo okoliša i turizma je odobrilo sredstva Općini Visoko za realizaciju navedenog projekta. Općina Visoko spada u grupu od pet općina koje koriste regionalnu deponiju i u potpunosti poštuje važeću legislativu. Prema pokazateljima odvoza otpada i

deponovanja otpada na regionalnu deponiju Mošćanica trenutno se sa područja općine Visoko odvozi prosječno 650 tona mjesečno, odnosno 7.800 tona godišnje, a u narednom periodu je planirano i proširenje odvoza otpada. Iz budžeta Općine Visoko, u 2013. godini, za ovu namjenu ukupno je izdvojeno 609.496,76 KM.



## Briga za okoliš: građani- uzmite svoje kante i kontejnere

JKP "Visočica" vrši organizovano skupljanje i odvoz komunalnog otpada na području grada i dijelu prigradskih naselja, te isti deponuje na regionalnu deponiju "Moščanica" u Zenici. Oko 50% domaćinstava je jedanput sedmično obuhvaćeno organizovanim prikupljanjem i odvozom otpada.

Odlukom Općinskog vijeća, a u cilju povećanja pokrivenosti teritorije općine Visoko uslugama organiziranog prikupljanja otpada, isto je prošireno na naselja izvan gradskog područja koja su priključena na gradski vodovodni sistem, a do sada nisu bila obuhvaćena organiziranim prikupljanjem i odvozom komunalnog otpada, putem adekvatnih posuda za smeće. Također, zaključkom Općinskog vijeća posude za smeće-kontejneri ustupaju se na korištenje mjesnim zajednicama izvan gradskog područja koje nisu obuhvaćene organiziranim prikupljanjem i odvozom komunalnog otpada uz zaključivanje ugovora između nadležne općinske službe, javnog komunalnog preduzeća i mjesnih zajednica, a po iskazanom interesu i zahtjevu Savjeta mjesnih zajednica.

### PLAN PRILAGOĐAVANJA UPRAVLJANJA OTPADOM

Općina Visoko je izradila Plan prilagođavanja upravljanja otpadom za deponiju komunalnog otpada "Očazi" Visoko. Plan je odobren od strane Federalnog ministarstva okoliša i turizma. Plan je urađen u potpunosti sa zahtjevima odredbi pravilnika o sadržaju plana prilagođavanja upravljanja otpadom za postojeća postrojenja za tretman ili odlaganje otpada i aktivnosti koje poduzima nadležni organ, te je plan prilagođavanja odgovorio propisanim zahtjevima u pogledu sanacije negativnog uticaja koje deponije imaju na zdravlje ljudi



i okoliša, i uspostavu reciklažnog dvorišta i/ili transfer stanice sa pratećim skladištima i prostorom za sortiranje otpada, što će biti obrađeno u građevinskim projektima.

### SANACIJA DEPONIJJE OČAZI I POSTROJENJE ZA RECIKLAŽU

Općina Visoko aplicirala je prema Federalnom ministarstvu okoliša i turizma i po javnom pozivu za odabir korisnika sredstava "Akcioni plan strategije okoliša" za 2013. godinu odobrena su sredstva u iznosu od 108.347,00 KM za sufinansiranje projekata za zatvaranje tehnički neuređenih općinskih deponija, unapređenja rada postojećih regionalnih centara za upravljanje komunalnim otpadom i/ili tehničko unapređenje postojeće infrastrukture i postrojenja za upravljanje otpadom na području FBiH za 2013. godinu. Trenutno se vode aktivnosti oko izrade projektnog zadatka i postupka javne nabavke za izbor projektanta za izradu idejnog projekta

sanacije deponije Očazi i izgradnju postrojenja za reciklažu sa transfer stanicom. Ovim aktivnostima Općine Visoko na polju zbrinjavanja komunalnog otpada će se steći uslovi za proširenje obuhvata organizovanog odvoza otpada sa cijelog područja općine Visoko na ekonomski i ekološki prihvatljiv način.





## Uređenje izvorišta „Vrutak“

U cilju zaštite izvorišta, a prema planu za 2013. godinu, JKP Visočica Visoko je izvršila prvu fazu hortikulturnog uređenja izvorišta „Vrutak“ (uređenje oko bunara BV-1, BV-2, BV-3).

Izvorište „Vrutak“ je centralno izvorište sa kojeg se snabdijeva najveći broj stanovnika općine Visoko. Trenutno se sa ovog izvorišta koristi 60 l/s. Općina Visoko je u novembru i decembru 2013. godine provela vodoistražne radove kako bi se utvrdio postojeći kapacitet izvorišta.

U okviru zaštite izvorišta je izgrađen drenažni bunar sa pješačkom stazom. S obzirom da se izvorište „Vrutak“ nalazi uz regionalnu saobraćajnicu, drenažni kanal će zaštititi izvorište od oborinskih voda sa kolovozne konstrukcije regionalnog puta.

## Fond za zaštitu okoliša F BiH odobrio 100.000 KM Općini Visoko



Na osnovu aplikacije Općine Visoko za izradu projektne dokumentacije u okviru projekta „Studijsko-projektne dokumentacija za unapređenje komunalne infrastrukture u cilju zaštite okoliša i ravnomjernog korištenja voda na području općine Visoko“ koja je upućena na osnovu Javnog poziva

za korištenje sredstava Fonda za zaštitu okoliša Federacije Bosne i Hercegovine za realizaciju programa, projekata i sličnih aktivnosti iz područja zaštite okoliša za 2013.g. koji je objavljen u Službenim novinama FBiH broj: 59/13 od 31.07.2013. g. Općini Visoko odobrena su sredstva od strane Fonda

u iznosu od 100.000,00 KM. Novac je utrošen na izradu dvije studije: Studija proširenja gradskog vodovodnog sistema za Gračanicu i Studija proširenja gradskog vodovodnog sistema za Moštre.

## Novosti iz saobraćaja

Kada je u pitanju saobraćajna regulacija na području općine Visoko, u 2013. godini su izrađeni projekti dva kružna toka na ulazu u grad, te revizija istih, a u cilju povećanja propusne moći najvećih gradskih raskrsnica kojima prolaze dva regionalna pravca. Pored ovih projekata, Općina Visoko je predložila i određene lokalne puteve i gradske ulice za prekategoriizaciju u regionalne ceste. Riječ je o ulicama Bosne Srebrne i Kadije Uvejsa sa servisnom saobraćajnicom prema naplatnim kućicama, te o lokalnom putu Moštre – Kondžilo na koji se dalje nastavlja novoizgrađena i planirana trasa prema Brezoviku i Busovači. Postavljena je nova saobraćajna signalizacija koja je omogućila izmještanje dijela autobusnog saobraćaja kroz ulicu Branilaca, te su pojedine novoasfaltirane ulice u centru grada proglašene jednosmjernim, što je naznačeno i adekvatnom saobraćajnom signalizacijom.



## Urađena obaloutvrda do „Betonskog“ mosta

Nakon uspješnog završetka građevinskih radova na prelivnom šahtu gradskog kolektora, čiji je izvođač bio JKP "Visočica" Visoko, JP "Agencija za vodno područje rijeke Save" Sarajevo odobrila je sredstva kojim je izgrađena i obaloutvrda do „Betonskog“ mosta. Također, urađeni su i radovi na desnoj obali rijeke Bosne, odnosno čišćenje do „Betonskog“ mosta, čime je u potpunosti realiziran projekat obaloutvrde do „Betonskog“ mosta. Sa dolaskom proljeća nastavljaju se radovi, kao i izgradnja šetnice.



## Arheološka nalazišta

Strateški veoma važno pitanje za Općinu Visoko jeste zaštita arheoloških nalazišta Mili i Stari Grad. Na Lokaciji Mili se trenutno radi na rješavanju imovinsko-pravnih odnosa s građanima, kako bi se stvorili uvjeti za izmještanje saobraćajnice koja prolazi kroz arheološko nalazište. Za Stari grad Visoki, Općina Visoko je uradila projekat restauracije ovog nalazišta, kao i nastavak istražnih iskopavanja.



## Rekonstrukcija gradskog kina

Radovi na rekonstrukciji unutrašnjosti zgrade JU Centar za kulturu i edukaciju Visoko, izvršeni su u 2013. godini. Izvršeno je presvlačenje stolica, struganje i lakiranje parketa, kao i uređenje same bine. Također, u 2013. godini zamijenjene su dotrajale cijevi, očišćena je kanalizacija, rekonstruisani su i adaptirani mokri čvorovi, a prije toga izvršeno je malterisanje, premaz za hidroizolaciju, rađena je betonska podloga, postavljena keramika i stolarija, elektrifikacija i ostali potrebni radovi, pa je samim tim u potpunosti riješena vodovodno-kanalizaciona mreža. Rekonstrukcijom unutrašnjosti zgrade JU Centar za kulturu i edukaciju stvaraju se kvalitetniji uvjeti za rad i djelovanje.





**O**pćinsko vijeće Visoko čine vijećnici slijedećih klubova: SDA 12 vijećnika, SDP 3 vijećnika, SBB BiH 3 vijećnika, Stranka za BiH 2 vijećnika, BPS 2 vijećnika, Nezavisni klub 2 vijećnika i ASDA 1 vijećnik.

Od ukupno 25 vijećnika Općinskog vijeća, 6 su žene. Na konstituirajućoj sjednici Mirela Mateša Bukva sa 17 glasova ZA izabrana je za predsjedavajuću Općinskog vijeća Visoko, dok je za zamjenicu predsjedavajuće Općinskog vijeća Visoko sa 16 glasova ZA izabrana Aida Zerdo. U 2013. godini održano je 13 redovnih sjednica Općinskog vijeća Visoko.

## Predsjedavajuća i zamjenica predsjedavajuće Općinskog vijeća



**Mirela (Mijo) Mateša Bukva**, rođena 29.07.1976. u Sarajevu. Udata, majka dvoje djece, nastanjena u Visokom. Osnovnu školu i Gimnaziju završila u Visokom, a potom završila Filozofski fakultet odsjek Anglistika i stekla

zvanje prof. Engleskog jezika i književnosti. Radila u osnovnim školama "Safvet beg Bašagić" i "Kulin Ban", a zadnjih deset godina zaposlena u Gimnaziji "Visoko" na mjestu profesorice engleskog jezika. Tokom studiranja, tri godine radila u odbojkaškom savezu kao koordinator za međunarodne odnose. Godinama volontirala i prisustvovala raznim radionicama, seminarima, kursovima i edukaciji na polju obrazovanja, sporta i pomoći ženama. Polaznik III generacije Političke akademije SDA, te član asocijacije žena i mladih SDA.



**Aida (Huso) Zerdo** rođ. Bećirović, je rođena 04. decembra 1983. godine u Sarajevu, a nastanjena je u mjestu Ginje, općina Visoko.

Osnovnu i srednju školu završila u Visokom, te je 2008.

godine diplomirala na Fakultetu političkih nauka Sarajevu, smjer Socijalni rad i stekla zvanje Bakalaureat/Bachelor socijalnog rada. Na istom odsjeku student druge godine Master studija.

Zaposlena u JU Centar za socijalni rad Visoko kao Socijalni radnik. Tokom školovanja i poslovnog angažmana učestvovala na edukativnim seminarima i radionicama u cilju pružanja pomoći ranjivim skupinama stanovništva i rješavanju njihovih socijalnih, egzistencijalnih i životnih problema.



Svečana konstituirajuća sjednica Općinskog vijeća Visoko održana je 1.12.2012. godine u Velikoj sali Općine Visoko. Simbolično, kao najstariji vijećnik u novom sazivu, Salih Purišević je otvorio konstituirajuću sjednicu Općinskog vijeća Visoko. Prije usvajanja Dnevnog reda, vijećnici su pristupili davanju svečane izjave kao i novoizabrana općinska načelnica gospođa Amra Babić, koja je novim vijećnicima i gostima poželjela dobrodošlicu u «novu» Veliku salu.



## Vijećnici Općinskog vijeća Visoko

Mirela Mateša Bukva



Mirza Omanović



Zlatko Handžić



Faruk Ihtijarević



Dževad Fejzić



SDA

Džemil Halilović



Zijada Smailagić



Nusret Suša



Sulejmen Zukan



Aida Zerdo



SDA

Delila Novokmet Halilović



Adnan Frljak



Nevzeta Begić



Vahid Ramić



Jasmin Omanović



SDA

SBB BiH

Dejan Šćepanović



Dalibor Tomičić



Faruk Salčinović



Izet Smajević



Salih Purišević



SDP

SBiH

Nermin Sudžuka



Elvir Špiodić



Mirnes Fatić



Halim Dervišević



Minela Ahmić



Nezavisni klub

BPS

A-SDA

*“Visoko je prva i jedina općina sa kojom se naša općina bratimila” - Veysel Tiryaki, načelnik Općine Altındag*



## Bratimljenje sa turskom Općinom Altındag (Ankara)

Općinsko vijeće Visoko jednoglasno je u decembru 2012. godine usvojilo Odluku o bratimljenju sa turskom Općinom Altındag (Ankara) čime se uspostavio poseban vid saradnje i prijateljstva, a koji će se zasnivati na međusobnoj saradnji u privredi, kulturi i drugim područjima, uz razvijanje posebnih prijateljskih odnosa. Prvi rezultat uspostavljanja ovih odnosa je poklon bratske općine Altındag našem gradu – finansiranje izgradnje modernog objekta Kulturnog Centra u naselju prijeko. U mjesecu novembru donesena je Odluka o izgradnji Kulturnog Centra Prijeko, a krajem 2013. godine otpočeti su prvi radovi na izgradnji ovog objekta.

## Seminari za vijećnike Općinskog vijeća Visoko



Tokom 2013. godine, za vijećnike Općinskog vijeća Visoko, održano je nekoliko seminara, predavanja i okruglih stolova čiji je cilj bio unapređenje rada Općinskog vijeća, kao i usavršavanje samih vijećnika, kako bi se rad Općinskog vijeća podigao na veći nivo. Imajući u vidu činjenicu da su ovakvi seminari novost u OV Visoko, kao i da su u novom sazivu Općinskog vijeća vijećnici koji do sad nisu imali iskustvo u radu, ovakav vid edukacije je dobra prilika da bolje upoznaju okvire lokalne samouprave i ulogu vijećnika, kako bi efikasnije obavljali svoju funkciju.

## Posjeta članova OV Visoko Preventovim proizvodnim pogonima

Vijećnici Općinskog vijeća Visoko, kao i predstavnici općinske administracije, posjetili su proizvodne pogone Prevent grupacije u Topuzovom polju. Općinski vijećnici su tokom posjete imali priliku upoznati se poslovanjem Preventove kožare te novoosnovane kompanije za proizvodnju tekstila. Cilj posjete bio je predstavljanje Prevent grupacije vijećnicima Općinskog vijeća Visoko, te približavanje poslovanja ove kompanije lokalnoj zajednici.



## Posjeta vijećnika PJ «Elektrodistribucija» u Visokom

Pređvođeni predsjedavajućom OV Mirelom Mateša Bukva, vijećnici Općinskog vijeća Visoko posjetili su poslovnu jedinicu „Elektrodistribucije“ u Visokom, gdje su održali sastanak s rukovodiocem poslovnice gospodinom Salkić Muamerom. Tokom radne posjete istaknuti su problemi s kojima se susreću stanovnici u pojedinim mjesnim zajednicama, a koji se odnose na rekonstrukciju elektroenergetske mreže i kvalitet isporuke električne energije.



## Usvojen Budžet i Program rada OV Visoko za 2014. godinu

Na 13. sjednici Općinskog vijeća usvojen je Budžet za 2014. godinu, kao i Program rada Općinskog vijeća Visoko za 2014. godinu. Usvojeni budžet iznosi **11.983.000 KM**.

### NEKE OD NAJVAŽNIJIH ODLUKA OPĆINSKOG VIJEĆA U 2013. GODINI

1. Budžet Općine Visoko za 2013. godinu.
2. Program rada Općinskog vijeća za 2013. godinu.
3. Odluka o organizovanju i funkcionisanju zaštite od požara i vatrogastvu na području općine Visoko.
4. Odluka o pristupanju izradi Strategije razvoja općine Visoko za period 2015 - 2021. godina.
5. Smjernice reforme javnog sektora općine Visoko.
6. Odluka o izgradnji, upravljanju, korištenju, zaštiti i održavanju mjesnih vodovoda.
7. Odluka o plaćama i naknadama u Jedinstvenom općinskom organu uprave općine Visoko.
8. Odluka o izmjenama i dopunama statuta Općine Visoko.
9. Odluka o Bratimljenju sa Općinom Altindag.
10. Odluka o jedinstvenom načinu prikupljanja i odvoza komunalnog otpada za korisnike gradske vodovodne mreže izvan gradskog područja.

## Javna ustanova Gradska biblioteka Visoko

Osnovna djelatnost Biblioteke sastoji od nabavke, obrade, čuvanja, zaštite i izdavanja knjižnog fonda, te davanja na uslugu korisnicima.

U Javnoj ustanovi Gradska biblioteka Visoko obrada knjižnog fonda radi se u sistemu COBISS, te se u proteklom periodu intenzivno radilo na obradi bibliotečke građe i obogaćivanju lokalne i uzajamne baze podataka.



Rad sa korisnicima obavlja se po 10 sati dnevno u dva odjeljenja: Odjeljenje za odrasle i Odjeljenje za djecu. Radi zaštite kulturno-historijskog naslijeđa prikuplja se, obrađuje i čuva građa za 'Zavičajnu zbirku' koja ima informaciono-dokumentacionu vrijednost. **U cilju propagande i popularizacije knjige i biblioteke održane su slijedeće manifestacije:**

- Promocija knjige HASANAGINCA: (drama u devet slika) autorice Vahide Šeremet. Promotor knjige bila je Meliha Terzić, prof., a tekstove govorila Nada Đurevska, glumica iz Sarajeva.
- Promocija knjige ORGANIZACIJA struktura-vrijednost-znanje. Promotori su bili Amra Babić, načelnica Općine Visoko; mr. Suad Huskić, načelnik Općine Tešanj; mr. Esmir Bašić, direktor Opće biblioteke Tešanj.
- U okviru manifestacije "Visočko ljeto 2013" održano je književno veče pod nazivom ROMANI ENESA KARIĆA. Promotori su bili prof. dr. Enes Duraković; prof.dr. Hilmo Neimarlija i autor romana prof. dr. Enes Karić.
- U okviru iste manifestacije održana je promocija zbornika OMER POBRIĆ- BAŠTOVAN SEVDALINKE. Zbornik su promovirali mr. Fatmir Alispahić i Senad J. Hodović, prof.

## Javna ustanova Centar za kulturu i edukaciju Visoko

Centar za kulturu i edukaciju promoviše edukaciju odraslih, kulturu, tehničku kulturu i kreativni razvoj, afirmiše filmsku i pozorišnu umjetnost, teatar i poeziju, te čuva tradicionalnu kulturnu baštinu.

U sastavu JU Centar za kulturu i edukaciju je kino sala sa 300 sjedećih mjesta u okviru koje se nalazi i pozornica namijenjena za manje pozorišne predstave.



U 2013. godini ova ustanova je bila mjesto realizacije kulturnih manifestacija, projekata i aktivnosti kao što su: „Visočko ljeto 2013“, „Dani Zaima Muzaferije“, „Svi u kino“, „Bajramski koncert“, pozorišne predstave za učenike osnovnih škola, kabare predstava „Ja mahalac“, 3D filmovi...

## Javna ustanova Zavičajni muzej Visoko

Zavičajni muzej Visoko najstariji je muzej u Zeničko-dobojskom kantonu, a ujedno i jedan od najstarijih i najpoznatijih muzeja u BiH, koji je tokom 60 godina uspješnog rada realizirao stotine projekata u funkciji zaštite i afirmacije kulturno – historijskog i prirodnog naslijeđa BiH.

Povodom obilježavanja 60 godina postojanja i uspješnog rada, a pod pokroviteljstvom Općinske načelnice

mr. Amre Babić, upriličena je i Manifestacija "Sedmica Zavičajnog muzeja Visoko", održana u decembru 2013.



Također, Zavičajni muzej Visoko, realizovao je i niz projekata iz oblasti kulture, zaštite kulturno – historijskih spomenika, razna stručna usavršavanja, istraživačke radnje i saradnju sa drugim kulturnim i naučnim institucijama kao i mnogobrojne ostale aktivnosti kao što su obilježavanje 60 godina rada muzeja, arheološka istraživanja na području općine Visoko tokom 2013. godine, potpisivanje ugovora između Zavičajnog muzeja i Fondacije „AP: BPS“ po predmetu arheoloških radova unutar multidisciplinarnog naučnog projekta istraživanja Bosanske doline piramida.

Redovne aktivnosti Zavičajnog muzeja Visoko: Prikupljanje, stručna obrada, zaštita i prezentacija predmeta iz fonda Zavičajnog muzeja Visoko; Kontinuirano praćenje stanja objekata i predmeta kulturno-historijskog naslijeđa na području Općine Visoko; Aplikiranje na sufinansiranje projekata iz budžeta ZE-DO kantona i Federacije BiH na transfere iz oblasti kulture i obnove i zaštite kulturno-historijskih spomenika kao i izdavačke djelatnosti; Saradnja sa medijima – snimanje RTV priloga i intervjui za printane medije; Pedagoška djelatnost – rad sa posjetiocima u muzeju i na terenu; Procjena stepena oštećenosti i revizija eksponata fonda muzeja; Vođenje muzejskih knjiga.

## Javna ustanova za predškolski odgoj i obrazovanje

U toku školske 2012/13. godine u Javnoj ustanovi za predškolski odgoj i obrazovanje boravilo je 172 djece, a broj upisane djece u redovne programe predškolskog odgoja i obrazovanja ove školske godine (2013/14.) iznosi 165 dječaka i djevojčica uzrasta od 10 mjeseci do 8 godina. Cjeloviti razvojni program predškolskog odgoja i obrazovanja realizuje se u šest grupa djece



(dvije jasličke grupe – uzrast od 10 mjeseci do 3 godine, tri vrtičke grupe – uzrast djece od 3 godine do 5 godina i grupa produženog boravka u kojoj borave djeca školskog uzrasta – 6 i 7 godina). Osim toga, saradnjom sa Unicefovim sektorom „Zdravstvo i rani dječji razvoj“ u Javnoj ustanovi za predškolski odgoj i obrazovanje u toku je priprema resursne sobe za djecu sa posebnim potrebama. JU za predškolski odgoj i obrazovanje, Općina Visoko, UNICEF i Dubai Cares realizirali su petomjesečni projekat „Povećajmo mogućnosti djeci u BiH za rano učenje“ gdje je za 210 djece predškolskog uzrasta sa područja općine Visoko omogućeno besplatno predškolsko obrazovanje i odgoj.

## Javna ustanova „Dom zdravlja“ Visoko

**J**U „Dom zdravlja“ Visoko pruža zdravstvene usluge pacijentima kroz organizovanu primarnu i konsultativno – specijalističku zdravstvenu djelatnost na području općine Visoko. Pravni nasljednik je Doma zdravlja sa poliklinikom. Usluge zdravstvene zaštite pruža u objektu u Visokom i ambulancama porodične medicine, u mjesnim zajednicama Gračanica, Moštre, Porječani i Buci.



U prostorijama JU "Dom zdravlja" Visoko omogućeno je i pružanje usluga Centra za borbu protiv bolesti ovisnosti iz Zenice, Satelitskog centra za hemodijalizu, u organizaciji Kantonalne bolnice Zenica, te službe Hitne pomoći.

Tokom 2013.godine, izvršena je preregistracija naziva Ustanove u skladu sa Zakonom o zdravstvenoj zaštiti (Sl.Novine FBiH br. 46/10); Također, izrađen je i usvajan Statut JU „Dom zdravlja“ Visoko na Općinskom vijeću i u skladu s tim izvršeno imenovanje Komisija i organa a sve na osnovu Zakona o zdravstvenoj zaštiti (Sl. Novine FBiH br. 46/10): Upravni odbor, Komisija za prigovor pacijenata, Stručno vijeće i Etički komitet;

U cijelosti je realizovan projekat Porodične medicine za općinu Visoko, pokrivenost 100% sa 18 timova porodične medicine (jedan tim pokriva 2.000 osiguranih lica).

## Javna ustanova Kulturno-sportski centar Mladost

**U** toku 2013. godine u JU KSC "Mladost" Visoko, osim redovnog trenažnog dijela sportskih klubova koji koriste dvoranu, igrale su se rukometne, košarkaške i malonogometne utakmice, i to prijateljske, prvenstvene i KUP utakmice.

U JU KSC "Mladost" Visoko, tokom 2013. godine odigrane su i utakmice Reprezentacija Bosne i Hercegovine u rukometu i malom nogometu.



U dvorani Kulturno – sportskog centra Mladost u toku 2013. godine održana su i prvenstva borilačkih sportova - Otvoreno karate prvenstvo "Visoko 2013" i Državno prvenstvo BiH u taekwondou, a bila je i mjesto održavanja sportskih dešavanja u sklopu manifestacije „Visočko ljeto 2013“. Osim toga, u dvorani KSC Mladost organizovani su koncerti i druge slične kulturne manifestacije, kao i sajam poljoprivredno-prehrambenih proizvoda „Jesen u Visokom“.

U sklopu kompleksa KSC Mladost je i kuglana koju koriste kuglaši KK Bosna Visoko, a ista se koristi i u rekreativne svrhe.

## Javna ustanova Centar za socijalni rad Visoko



**O**sim redovnih poslova koji se obavljaju u Centru za socijalni rad Visoko u toku 2013. godine realizovano je više projekata kao što su:

- "Human Apel International" iz Ujedinjenih Arapskih Emirata sa sjedištem u Sarajevu koji su donirali pakete za Ramazanski i Kurbanjski Bajram najugroženijim kategorijama stanovništva.
- Omladinski krug Medžlisa Islamske zajednice Visoko na čelu sa Hafizom Edinom ef. Bukvom u saradnji sa Centrom za socijalni rad izvršio je podjelu prehrambenih paketa i kurbanjskog mesa u toku Kurban Bajrama.
- Fondacija Život- Zaklada Život iz Ilijaša je također u toku ove godine donirala preko Centra za socijalni rad Visoko prehrambene pakete za socijalno ugrožene.
- Lokalni privrednici kao što su Pak-Rampart d.o.o. Visoko i Kovo Galerija Visoko redovno preko Centra za socijalni rad pomažu najugroženije porodice.
- Centar za socijalni rad u saradnji sa Federalnim Ministarstvom za ljudska prava, Općinom Visoko, Udruženjem „Amaro Kham – Naše sunce", učestvuje u realizaciji projekta stambenog rješavanja Roma na području općine Visoko.
- Potpisan je Protokol o saradnji sa NVO "Gram Concordia" iz Zenice koja pruža usluge besplatne pravne pomoći u prostorijama Centra svakog prvog i drugog ponedjeljka od 9 do 13 sati. Ova saradnja je počela od oktobra 2013 godine.

U prošloj godini po naredbi Ministarstva za rad, socijalnu politiku i izbjeglice Ze-do Kantona vršena je revizija korisnika prava na dječji dodatak, korisnika prava na stalnu novčanu pomoć i korisnika prava civilnih žrtava rata. Ova revizija iziskivala je angažman svih uposlenih jer se radi o velikom broju korisnika i to: 138 korisnika CŽR; 116 korisnika prava na stalnu novčanu pomoć; 2687 korisnika dječjeg dodatka. To su lica koja su uvedena u pravo i za koje je trebalo izvršiti reviziju, što je zahtijevalo rad na terenu kako bi na vrijeme bili dostavljeni predmeti nadležnom Ministarstvu na reviziju.

U toku 2013. godine pored redovnih i utvrđenih prava, Centar je pružao i druge usluge građanima naše općine a naročito usluge porodicama koje se nalaze u stanju socijalne potrebe. Također u 2013. godini za 545 lica isplaćena je jednokratna novčana pomoć. Pored navedenog u Centar za socijalni rad obratilo se oko 7.000 lica tražeći prava iz raznih oblika socijalne zaštite i drugih vidova pomoći koje Centar pruža (neratna invalidnina, maloljetnička delikvencija, civilne žrtve rata, nasilje u porodici i porodični problemi, posredovanje, dječji dodatak, stalna novčana pomoć, zaposlene porodilje, nezaposlene porodilje, zdravstvena zaštita, jednokratne novčane pomoći kao i rad na terenu). Centar za socijalni rad je u 2013. godini građanima naše općine pružao sve potrebne usluge iz socijalne i dječje zaštite, te na vrijeme iste uveo u prava za koja su podnijeli zahtjev.

## Javno komunalno preduzeće "Gradska groblja"

Javno komunalno preduzeće "Gradska groblja" d.o.o. Visoko je u periodu 01.01. - 31.12.2013. godine obavljalo poslove iz okvira registriranih djelatnosti, a koje se odnose na pružanje komunalnih usluga koje su od javnog interesa i obavljaju se kao javne službe, tj. onih djelatnosti koje se odnose na zadovoljavanje onih potreba urbanog društva koje su nezamjenjiv uslov života i rada građana, državnih organa, privrednih i drugih subjekata, kao i one djelatnosti koje doprinose uspješnom obavljanju djelatnosti od posebnog društvenog ili javnog interesa.



U periodu 01.01. - 31.12.2013. godine vršene su redovite aktivnosti obavljanja pogrebnih i pratećih djelatnosti, te uređenja i održavanja Gradskog groblja u Visokom, kao i poslovi na redovitom održavanju javnih zelenih površina u skladu sa usvojenim Programom komunalnih djelatnosti za 2013. godinu. Kao i u svim ranijim godinama, JKP "Gradska groblja" d.o.o. Visoko je povjereno organiziranje zajedničkog ukopa žrtava genocida u Memorijalnom centru "Srebrenica-Potočari", te je u 2013. godini izvršen zajednički ukop za 409 žrtava genocida sa područja općine Srebrenica.

Zbog nagomilanih obaveza, dugogodišnje blokade računa, nelikvidnosti i nemogućnosti normalnog rada, direktor preduzeća u decembru 2013. godine uputio je nadležnom kantonalnom sudu zahtjev za otvaranje pred stečajnog postupka.

## Javno preduzeće Visokogas d.o.o Visoko

Društvo za gasifikaciju, distribuciju, promet gasa i opremu "Visokogas" d.o.o. Visoko, u toku 2013. godine vršilo je nove priključke na gasovodnu mrežu, te je izgrađeno ukupno 1389,5 metara nove gasovodne mreže.

Na 13. sjednici Općinskog vijeća, a na osnovu dokumenta "Smjernice javnog sektora", donesena je Odluka o smanjenju broja članova Društva, promjeni naziva firme i sjedišta, te proširenju djelatnosti Društva. Novi naziv firme je Visoko Eko Energija.



Općina Visoko sada je 100% vlasnik preduzeća Visoko Eko Energija. Prateći svjetske trendove vezane za rast pojedinih industrijskih sektora, preduzeće bi se trebalo tržišno pozicionirati ne samo kao isporučilac gasa u Visokom, nego u čitavoj visočkoj regiji kada se za to ukaže potreba. Također, preduzeće bi trebalo proširiti djelatnost u segmentu projektovanja i inženjeringa i upravljanja energetske projekta, posebno se fokusirajući na obnovljive izvore energije, a u skladu sa energetske politikama FBiH te direktivama Evropske unije.

## Javno preduzeće “Veterinarska stanica Visoko”

Djelatnost Javnog preduzeća “Veterinarska stanica Visoko” d.o.o. Visoko obuhvata širok spektar aktivnosti, a prije svega to su zaštita i kontrola zdravlja i dobrobiti životinja, suzbijanje oboljenja, osiguravanje zdravstveno ispravnih i neškodljivih proizvoda životinjskog porijekla, te drugi poslovi veterinarskog javnog zdravstva, unapređenje reprodukcije životinja i veterinarska zaštita okoliša.



U sklopu JP “Veterinarska stanica Visoko” d.o.o. nalaze se tri ambulante veterinarske medicine (Visoko, Gračanica, Moštre) i apoteka u Moštru. Osim poslova koji spadaju u domen veterinarstva, realizovani su i projekti:

„Izrada nacionalnog seruma ovaca vakcinisanih protiv bruceloze“ - u saradnji sa Uredom za veterinarstvo BiH i Veterinarskim fakultetom Sarajevo; Vakcinacija ovaca protiv bruceloze (750 životinja)- u saradnji sa Uredom za veterinarstvo BiH; Monitoring mliječnih goveda na tuberkulozu (1116 životinja)- u saradnji sa Ministarstvom poljoprivrede, vodoprivrede i šumarstva FBiH; Monitoring mliječnih goveda na enzootsku leukozu (1116 životinja) - u saradnji sa Uredom za veterinarstvo BiH, Monitoring mliječnih goveda na brucelozu (1116 životinja) - u saradnji sa Uredom za veterinarstvo BiH.

## Javno komunalno preduzeće “Visočica” d.o.o. Visoko

Osnovna djelatnost preduzeća je uklanjanje otpadnih voda, odvoz smeća i slične djelatnosti, a rad preduzeća organiziran je u pet radnih jedinica:

Radna jedinica 1 - Vodovod i kanalizacija; Radna jedinica 2 - Sakupljanje, prijevoz i deponovanje smeća; Radna jedinica 3 - Gradska čistoća; Radna jedinica 4 – Usluge; Radna jedinica 5 – Opšti poslovi.



Osim obavljanja poslova koji spadaju u domen ovoga javnog preduzeća, u 2013. godini realizovani su projekti na poboljšanju sistema, kao što su: Izgradnja “Prstena” Poslovna zona Ozrakovići; Izgradnja novog cjevovoda kojim će se kvalitetom vodosnabdijevanja poboljšati kompletna desna obala rijeke Bosne; Rekonstrukcija vodovoda u ulici Rašidovića, projekat zamjene starih i dotrajalih cjevovoda čime bi se poboljšao kvalitet usluga i smanjili gubici pitke vode na sistemu; Izrada drenažnog kanala sa pješačkom stazom na Izvorištu “VRUTAK”.

Javno komunalno preduzeće “VIŠOČICA” d.o.o. Visoko je tokom godine planski vršila čišćenje kanalizacionih cjevovoda, slivnih rešetaka, kao i sanaciju ukradenih poklopaca (na slivnicima i šahtovima). Također je vršila sanaciju slivnih rešetaka koje nisu u funkciji, odnosno vršila izgradnju na mjestima na kojima do tada nisu bile.

## Javno preduzeće "Radio-televizija Visoko" d.o.o. Visoko



**J**P "Radio-televizija Visoko" d.o.o. Visoko, kao javno preduzeće, osnovano je 1994. godine Odlukom Općinskog vijeća Visoko, a nastaje spajanjem postojećih preduzeća "Radio Visoko" i "Televizija Visoko".

Radijski program se danas emituje na frekvenciji 92,3 MHz FM, a televizijski program na 28 UHF kanala.

U skladu sa propisima Regulatorne agencije za komunikacije BiH, od koje je "Radio-televizija Visoko" dobila dugoročnu dozvolu za rad, emituju se programski sadržaji od informativnog, kulturnog, obrazovnog, pa do specijalizovanog programa.

**Uz već poznate sadržaje, u 2013. godini uvedene su nove emisije kao što su:**

Iz naše arhive – svakodnevna rubrika programskog vremeplova RTV Visoko; Albatros – školski program; Mjesne zajednice – emisija koja tretira problematiku svih mjesnih zajednica, njihove realizovane akcije i nedostatke; Vi rahat look – emisija koja tretira uspješne Visočane sa radnim zadacima izvan naše općine; Kurs – informativna emisija koja se emituje uživo; U društvu sa... – revijalna emisija; Drugo poluvrijeme – sportska emisija; 7 TV dana – emisija o aktivnostima Informativne redakcije RTV kuće; Snimanje i emitovanje nogometnih i rukometnih utakmica dva visočka ligaša; Zdrav život – emisija koja tretira problematiku ekologije i zdravlja građana.

RTV Visoko je uzela učešće kao medijski pokrovitelj, kako humanitarnih akcija (postavljanje umjetne trave - Stadion Luke Visoko), tako i u obilježavanju značajnih datuma (Dan nezavisnosti BiH, Dani otpora agresiji, Dan Općine).

## Završena rekonstrukcija mosta u naselju Seoča, MZ Dobrinje i asfaltiran dio regionalnog puta RP 445

Radovi na rekonstrukciji mosta na regionalnom putu RP 445 Visoko - Kakanj, preko rijeke Bosne u naselju Seoča, MZ Dobrinje, koje je finansirala Kantonalna direkcija za ceste su završeni, te je ovaj most pušten u promet. Izvođač radova je bila firma «Hering» d.o.o. Široki Brijeg. Također, izvršeno je i asfaltiranje dijela regionalnog puta RP 445 Visoko – Kakanj između dva mosta u naselju Dobrinje u dužini od oko 700 metara. Vrijednost ovih radova je 360.000,00 KM.



## Izgradnja vodovodnog prstena u poslovnoj zoni Ozrakovići

Radovi na izvođenju vodovodnog prstena u poslovnoj zoni “Ozrakovići – Arnautovići” su uspješno završeni. Radovi su se odnosili na ugradnju cijevi promjera 150 milimetara u dužini od 1.591 metar, sa svim pripadajućim fazonskim komadima i armaturama. Izvođač radova je bilo JKP “Visočica” d.o.o. Visoko, a vrijednost ugovora 187.743,54 KM. Sredstva za ovaj projekat su obezbjedili Ministarstvo za poljoprivredu, šumarstvo i vodoprivredu Zeničko-dobojskog kantona iz vodnih naknada u visini od 97.371,59 KM, i Općina Visoko u visini od 90.371,95 KM iz Budžeta.



## Zimsko održavanje saobraćajnica na području općine Visoko

Zimsko održavanje saobraćajnica na području općine Visoko u sezoni 2013/2014. godina obuhvata održavanje saobraćajnica u ukupnoj dužini od 101,70 kilometara, održavanje gradskih ulica u dužini od 20,10 kilometara i 9,80 kilometara trotoara. Izvođenje radova na zimskom održavanju lokalnih saobraćajnica, gradskih ulica i trotoara je povjereno Javnom komunalnom preduzeću “Visočica” d.o.o. Visoko.

## Nastavak radova u ulici Rašidovića

Nakon završetka radova na drugoj fazi rekonstrukcije vodovodne mreže u ulici Rašidovića i izvršenih potrebnih mjerenja pritiska u istoj, pristupilo se nastavku radova na polaganju cijevi vodovodne mreže u vršnim dijelovima navedene ulice, koji do sada nisu bili priključeni na gradski vodovod. Proširenjem je obuhvaćeno 300 metara nove vodovodne mreže, kojom će se riješiti problem vodosnabdijevanja za oko 20 domaćinstava.

Budući da vremenski uslovi nisu bili pogodni za radove na asfaltiranju dionice koja je bila obuhvaćena drugom fazom rekonstrukcije vodovodne mreže, JKP "Visočica" Visoko je izvršila sanaciju prokopa nasipanjem tampona do početka naredne građevinske sezone. Asfaltiranje ove ulice bit će završeno po sticanju vremenskih uvjeta.



## Rekonstrukcija puta Ginje-Dvor

U mjesnoj zajednici Kralupi, izvršeni su radovi asfaltiranja u dužini od 420 metara i širine 4 metra na dionici puta Ginje – Dvor, koji su u cijelosti isfinansirani iz budžeta Općine Visoko.

Na osnovu prijave građana, Nadzorni organ i građevinski inspektor izvršili su uvid i konstatovali određene nedostatke, te je izvođaču naloženo da iste otkloni odmah po sticanju vremenskih uvjeta.



## Završeni radovi u ulici Varoška

Radovi na putnoj infrastrukturi u ulici Varoška su uspješno završeni u 2013. godini. Investitor ovih radova bila je Općina Visoko a izvođač radova privredno društvo "QUEEN" d.o.o. Visoko. Radovi koji su izvedeni sastojali su se od podizanja postojećeg asfalta, pripreme tamponske podloge za asfaltiranje i ugradnje asfalta debljine 7 cm.



## Izgrađen put od raskrsnice u Šarenim Hanovima do ambulante

U sklopu završetka projekta izgradnje ambulante porodične medicine u Moštru izgrađen je i put od raskrsnice u Šarenim Hanovima do ambulante. Realizacijom ovoga projekta, nakon 20 godina, dobila se savremena saobraćajnica.

Dužina dionice puta iznosi 370 metara, širina 5,50 metara, dok je pješačka staza na putu širine od 1 do 2 metra. Prije nego što se izvršilo polaganje asfalta, urađena je i nova kanalizaciona i vodovodna mreža, položene su i instalacije za gasovod i telekomunikacionu mrežu, te je postavljena i nova javna rasvjeta.



## Završeni radovi na putnoj infrastrukturi u naselju Vrblje

Nakon završetka radova na kanalizacionoj mreži u naselju Vrblje, nastavljani su radovi na putnoj infrastrukturi te je izvršeno polaganje i valjanje tampona kao i asfaltiranje, čime je okončana izgradnja puta u naselju Vrblje, MZ Topuzovo Polje, i realiziran još jedan projekat planiran programima kapitalnih ulaganja za 2013. godinu.



## Izgrađen spoj ulice Rašidovića i ulice III

Izgradnja spoja ulice Rašidovića i ulice III uspješno je realizovana. Radovi su vršeni na prosijecanju nove ulice kako bi se osigurao alternativni put za mještane navedenih ulica i time olakšala prohodnost saobraćaja.




## Radovi na proširenju vodovoda Gornja Zimča «Tutnjevac»

Na osnovu Ugovora o izvođenju radova na proširenju vodovoda G. Zimča "Tutnjevac", MZ Zimča, 9.7.2013. izvođač radova "Geo-Put" d.o.o. Maglaj uveden je u posao izvođenja radova na polaganju cjevovoda.

Predmet ugovora je izvođenje radova na rekonstrukciji s proširenjem vodovoda i obuhvata radove na polaganju cjevovoda ukupne dužine 1450 metara, izgradnju rezervoara zapremine 30 m<sup>3</sup> kao i izgradnju kaptažne komore.

Ukupna vrijednost projekta je 45.699,33 KM, a od toga Ministarstvo za poljoprivredu, šumarstvo i vodoprivredu ZE-DO kantona finansira iznos od 21.427,18 KM, a Općina Visoko iz programa kapitalnih ulaganja u vodovodnu i kanalizacionu infrastrukturu finansira 24.272,15 KM.



## Završeni radovi u ulici «25. april»

Radovi na rekonstrukciji ulice "25. april" i dijela ulice "Mehmeda ef. Handžića" su završeni uspješno. Ukupnu vrijednost ovih radova finansirala je Općina Visoko, a izvođač radova je bilo preduzeće "Mušibegović" d.o.o. Prije polaganja asfalta, urađena je i rekonstrukcija vodovodne mreže, kao i uređenje dva slivnika i dva šahta na insistiranje stanovnika ulice "25. april" i dijela ulice "Mehmeda ef. Handžića".



## Izgradnja mosta i puta Radovlje-Kondžilo-Brezovik u završnoj fazi

Projekt izgradnje mosta na rijeci Radovljanki u Kondžilu, kao i izgradnja i rekonstrukcija dionice ceste Radovlje - Kondžilo - Brezovik, čiji je izvođač "HS-PUTEVI" d.o.o. Doboj-JUG su trenutno u završnoj fazi. Ovim ugovorom, predviđena je izgradnja i rekonstrukcija ceste od Kondžila prema Brezoviku u dužini od 500 metara što predstavlja nastavak ranije započetog projekta, odnosno potpisanog Sporazuma o implementaciji sredstava GSM namijenjenih za rekonstrukciju puta Fojnica – Visoko.



## Rekonstruisane ulice u naselju Helena, Topuzovo Polje

Izvršeni su radovi na rekonstrukciji dijelova puta, ukupne dužine 400 metara, u mjesnoj zajednici Topuzovo Polje. Vrijednost radova od 59.657,93 KM finansirala je Općina Visoko kroz program kapitalnih ulaganja u infrastrukturu iz budžeta Općine Visoko za 2013. godinu, dok su građani mjesne zajednice Topuzovo Polje sudjelovali sa 10.000 KM. Radovi su izvršeni na izradi kolovozne konstrukcije saobraćajnice, a obuhvataju izradu tamponskog sloja, izradu ivičnjaka u jednom dijelu, asfaltiranje, izradu rigola i rješavanje odvoda oborinskih voda.





## Prva zvanična privredna delegacija iz Turske

**D**eset turskih privrednika među kojima je bio i gradonačelnik jedne od istanbulskih Općina posjetili su Općinu Visoko. Bio je ovo prvi incijalni sastanak u okviru kojeg je organizovana i posjeta kapacitetima KTK u Slobodnoj Zoni Visoko. Ovo je bila prva veća zvanična privredna delegacija koja je posjetila Općinu.

## Sastanak sa privrednicima iz visočkih poslovnih zona

**N**a sastanku sa visočkim privrednicima iz poslovnih zona Ozrakovići i Čekrekčije predstavljani su planovi Općine Visoko vezani za razvoj poslovnih zona. Osim toga, predstavnici Općine upoznati su sa planovima, viđenjima trenutne situacije i problemima privrednika. Pored privrednika, predstavnika javnih preduzeća i pomoćnika načelnice, sastanku su prisustvovali i članovi buduće Službe koja će se baviti isključivo pitanjima ekonomskog rasta i razvoja, a sve u cilju stvaranja što boljeg poslovnog ambijenta.



## Sastanak povodom revizije i implementacije strategija razvoja

**O**pćinska načelnica Amra Babić sa saradnicima, prisustvovala je sastanku posvećenom reviziji i implementaciji strategija razvoja općina i kantona, na kojem su razmijenjena iskustva i dobre prakse u oblasti ažuriranja postojećih strategija razvoja, te kreiranja novih i njihove efektivne implementacije.



## Održan sastanak sa predstavnicima Svjetske banke

U prostorijama Općine Visoko, Općinska načelnica Amra Babić, održala je sastanak sa predstavnicima Međunarodne finansijske korporacije IFC (članica grupacije Svjetske banke). Tema sastanka bila je Projekat poboljšanja poslovnog okruženja i konkurentnosti u BiH.

Cilj Projekta jeste da se provedu reforme poslovnog okruženja, poveća konkurentnost i omogući Općini da privuče više ulaganja. To bi se trebalo ostvariti putem provođenja reforme poslovnog okruženja, povećanja konkurentnosti putem smanjenja troškova i rizika poslovanja, kreiranja elektronskog internet registra, administrativnih postupaka, povećanja transparentnosti u sprovođenju istih, kao i putem jačanja ulaganja i procjene konkurentnosti sektora poljoprivrede. Načelnica Općine Visoko Amra Babić je sa predstavnicima Međunarodne finansijske korporacije (IFC), članicom

Grupacije Svjetske banke, održala radni sastanak na temu „Projekat poboljšanja poslovnog okruženja u Općini Visoko i plan njegove realizacije“. Tokom sastanka, načelnica Babić je istakla da će do kraja decembra 2014. godine, općinska administracija raditi na provođenju regulatorne reforme, te da se ovim Projektom Općina Visoko opredijelila za poboljšanje privrednog okruženja, čime se stvaraju bolji uvjeti za privlačenje investicija. Pojednostavljenje postupka izdavanja dozvola, saglasnosti, uvjerenja i taksi, te smanjivanje rokova čime se smanjuju troškovi poslovanja firmi na ovoj općini, primarni je zadatak ove regulatorne reforme.

## Promovisan Investicijski vodič Općine Visoko

U povodu dana Općine Visoko, Služba za finansije, privredu i lokalni ekonomski razvoj prezentovala je javnosti prvi Investicijski vodič sa svim informacijama koje su potrebne domaćim i stranim investitorima za otpočinjanje privrednih aktivnosti na području naše općine.





## Posjeta turskih privrednika predvođenih načelnikom Općine Inegol

U Općini Visoko upriličen je prijem delegacije turskih privrednika predvođenih Načelnikom općine Inegol Alinur Aktaşom. Tursku delegaciju su sačinjavali privrednici iz oblasti proizvodnje tekstila, namještaja, prehrambene proizvodnje, kao i iz energetskog sektora. Uvodnu riječ na sastanku dala je Općinska načelnica Amra Babić, koja je upoznala goste o saradnji Turske agencije za saradnju i koordinaciju (TIKA) sa Općinom Visoko na projektu izgradnje ambulante porodične medicine u Moštru, kao i o saradnji s bratskom općinom Altindag. Također, u svom uvodnom govoru Općinska načelnica Amra Babić je prezentirala općinu Visoko u administrativnom, historijskom i kulturnom aspektu.

## Okrugli sto ambasadora Petera Sorensena i visočkih privrednika

Prilikom posjete šefa Delegacije EU i Specijalnog predstavnika EU u BiH, ambasadora Petera Sorensena, održan je i Okrugli sto s privrednicima na temu Stimulacija izvoznika s područja općine Visoko za ulazak na tržište Europske unije kroz uklanjanje administrativnih barijera i certificiranje privrednih subjekata, razvoj lokalne infrastrukture i industrijskih zona, te korištenje EU fondova. Također, upriličena je i posjeta visočkim poslovnim zonama, mesnoj industriji Semić, kompaniji Secom i kompaniji Prevent, a na arheološkom lokalitetu Mile – Krunidbenom mjestu bosanskih kraljeva, prof. Senad Hodović održao je kratki čas historije.



## Tri kamiona kao donacija Turske Vlade stigla u JKP Visočica

U maju mjesecu, upriličeno je potpisivanje dva ugovora između Općine Visoko i JKP "Visočica" Visoko čime su stavljene u funkciju dvije donacije koje su pristigle u proteklom periodu na adresu Općine Visoko.

Prvi ugovor koji je potpisan, tiče se korištenja 950 posuda za odlaganje smeća koje je donirala Švedska međunarodna agencija za razvoj SIDA krajem 2011. godine, a biti će stavljene na raspolaganje građanima mjesnih zajednica Arnautovići, Topuzovo Polje, Buci, Kralupi i Goduša.

Drugi ugovor potpisan između Općine Visoko i Javnog komunalnog preduzeća "Visočica" vezan je za donaciju Vlade Republike Turske koja je početkom 2013. donirala tri komunalna vozila za odvoz smeća.



## Posjeta privrednim društvima na području općine Visoko

Agencija za unapređenje stranih investicija u BiH (FIPA), s predstavnicima Zeničko - dobojskog kantona i Općine Visoko, organizovala je posjetu i sastanak u dva privredna društva na području općine Visoko, čiji su vlasnici strani investitori.

Posjeta je upriličena u "J.u.A. Frischeis" d.o.o. Visoko i "Antesil" d.o.o. Visoko. Cilj ovih posjeta je motivacija postojećih investitora u BiH iz strateški izabranih sektora na reinvestiranje i poboljšanje veza s lokalnom privredom.





## Realizacija projekta dodjele plastenika građanima

**Općina Visoko je u 2013. godini počela provođenje aktivnosti na projektu „Plastenička proizvodnja kao pomoć poboljšanju finansijskog stanja dijela socijalno ugroženih porodica na teritoriji općine Visoko“.**

**N**a Javni poziv se prijavilo 107 lica. U periodu od 14.08. do 23.08.2013. godine, Komisija je izvršila uviđaj na licu mjesta po podnesenim prijavama, a s ciljem utvrđivanja uslova za instaliranje plastenika i kvaliteta vodosnabdijevanja. Komisija je sačinila rang listu lica koja ispunjavaju uslove tražene u Javnom pozivu, te nakon potvrđivanja rang liste od strane Općinske načelnice, sačinjena je konačna lista od 20 (dvadeset) lica kojima su dodijeljeni plastenici preko organizacije "Yardim Eli (De helpende hand)". Zbog velikog interesovanja stanovništva za ovaj Projekat, što potvrđuje broj prijava, a u skladu s ranije datim obećanjem o provođenju aktivnosti na proširenju istog, Općina je proširila krug lica kojima su se dodijelili plastenici. Projekat je proširen s 15 novih plastenika, a sredstva su obezbijeđena od Evropske

Unije, putem organizacije „Dok-Ing deminiranje“. Jedan od korisnika ovoga projekta je i gosp. Alija Sokolović iz naselja Bare, općina Visoko, koji ima peteročlanu porodicu i ostvaruje prihode isključivo od poljoprivredne proizvodnje. Nakon što mu je instaliran plastenik, on se odlučio za proizvodnju zelja i uskoro očekuje prve prinose, te ističe kako je zahvalan Općini Visoko i Organizaciji "Yardim Eli (De helpende hand)" što su mu omogućili da, kroz korištenje ovoga projekta, poboljša finansijsko stanje svoje porodice. Općina Visoko će i u narednom periodu provoditi aktivnosti na proširenju Projekta "Plastenička proizvodnja kao pomoć poboljšanju finansijskog stanja dijela socijalno ugroženih porodica na teritoriji općine Visoko", te će se broj lica kojima će biti dodijeljen plastenik uveliko povećati.



## Održan sastanak sa privrednicima iz mesne industrije

U organizaciji Službe za privredu, razvoj, budžet i finansije općine Visoko, u Maloj sali Općine Visoko, održan je sastanak na temu: "Medijski članci o korištenju konjskog mesa u proizvodnji suhomesnatih proizvoda na području općine Visoko".

Na ovaj sastanak pozvano je 59 privrednika, i to obrtnika koji se bave proizvodnjom suhomesnatih proizvoda, kao i predstavnici privrednih društava s područja općine Visoko čija je djelatnost proizvodnja suhomesnatih proizvoda. Na poziv se odazvalo 39 privrednika. Također, sastanku su prisustvovali glavni kantonalni veterinarski inspektor Suljo Kartal, kantonalni sanitarni inspektor Albert Centelege, kantonalni ekološki inspektor Senada Muzaferija,

predstavnik Ministarstva za poljoprivredu, šumarstvo i vodoprivredu - Odjel za veterinarstvo Ermin Tabak, direktor JP "Veterinarska stanica Visoko" Ahmet Kurspahić, predsjednik Udruženja visočkih privrednika Amir Zukić, kao i predstavnik Policijske uprave Visoko. Privrednici su pokazali volju da sa nadležnom inspekcijom poduzmu aktivnosti na suzbijanju nezakonitih radnji koje se odnose na klanje i korištenje konjskog mesa u proizvodnji suhomesnatih proizvoda.



Na ovom sastanku prisutni su iznijeli svoje stavove i mišljenja, te su doneseni sljedeći zaključci:

- Privrednici – proizvođači suhomesnatih proizvoda koji su bili prisutni na sastanku, u svoje i u ime registrovanih privrednika iz ove oblasti na području općine Visoko, ograđuju se od nezakonitih radnji klanja i korištenja konjskog mesa u proizvodnji suhomesnatih proizvoda, te smatraju da je riječ o određenom broju lica koja ne spadaju u registrovane i legalne proizvođače.
- U cilju suzbijanja prekršaja i krivičnih djela, i otklanjanja negativnih posljedica za ovu vrstu proizvodnje, predloženo je formiranje jednog koordinacionog tima ispred proizvođača suhomesnatih proizvoda (5 članova), koji će sa nadležnom službom, inspekcijom i direktorom JP "Veterinarska stanica" Visoko poduzimati sve potrebne radnje i mjere, kao što su organizacija inspeksijskih nadzora i uzimanje uzoraka proizvoda radi analize.



## Amra Babić preuzela mandat Općinske načelnice

**M**unib Alibegović, Općinski načelnik, 14. novembra 2012. godine je zvanično predao dužnost Načelnici Amri Babić. Tokom primopredaje mandata, Načelnica Amra Babić je naglasila da će za vrijeme svog mandata biti Načelnica svih građana općine Visoko. Načelnica je istog dana obišla zgradu Općine kako bi se upoznala sa svim uposlenicima, a odmah nakon primopredaje u 9:00 sati upriličen je prvi Kolegij sa pomoćnicima.



## Obilježen Dan državnosti Bosne i Hercegovine

**P**olaganjem cvijeća na Spomen-kosturnicu poginulim borcima iz NOAR-a i na Spomen-obilježje šehidima i poginulim borcima iz proteklog rata, građani Visokog su započeli obilježavanje 25. novembra – Dana državnosti BiH. U Velikoj sali Općine Visoko, održana je i svečana sjednica Općinskog vijeća, a prigodnim govorom prisutnim se obratila predsjedavajuća Općinskog vijeća Visoko Mirela Mateša Bukva. U svom govoru, istakla je da 25. novembar predstavlja dan kada su utvrđeni temelji državnosti Bosne i Hercegovine, te da je u Mrkonjić Gradu 25. novembra 1943. godine na osnivačkom zasjedanju ZAVNOBiH-a, Bosna i Hercegovina pravno konstituisana kao država svih njenih ravnopravnih građana.



## Prijemi povodom katoličkih Božića

Povodom katoličkog Božića, Načelnica Općine Visoko Amra Babić i predsjedavajuća Općinskog vijeća Mirela Mateša Bukva upriličile su prijeme za gvardijana Franjevačkog samostana fra Josipa Ikića i vikara fra Franju Radmana, 24.12.2012. i 24.12.2013. godine.



## Prijemi povodom pravoslavnih Božića

Povodom pravoslavnog Božića, Općinska načelnica Amra Babić i predsjedavajuća Općinskog vijeća Mirela Mateša Bukva upriličili su prijeme 5.1.2013. i 3.1.2014. godine za jereja Marka Maleša, predstavnika visočke pravoslavne zajednice.



## Novogodišnji prijemi

U sklopu Novogodišnjeg prijema za 2014. godinu pod pokroviteljstvom Općine Visoko upriličen je koncert Osnovne škole za muzičko obrazovanje "Avdo Smajlović" Visoko, te je sala Gradskog kina Visoko bila premala da primi veliki broj gostiju, roditelja i građana.



## Obilježavanje Dana nezavisnosti BiH u Visokom

O davanjem počasti, polaganjem cvijeća, učenjem fatihe i minutom šutnje na Spomen kosturnici borcima NOAR-a i Spomen obilježju šehidima i poginulim borcima, u Visokom je počelo obilježavanje 1. marta – Dana nezavisnosti Bosne i Hercegovine. Program obilježavanja nastavljen je Svečanom akademijom u Gradskom kinu, a među gostima bili su general Jovan Divjak i Omladinski hor Zenica sa profesorom Milenkom Karovićem.



### SVEČANA AKADEMIJA U VISOKOM POVODOM OBIJEŽAVANJA DANA NEZAVISNOSTI

„Više od hiljadu godina naši poštovani i hrabri preci su svojim životima čuvali, sačuvali i održali Bosnu i Hercegovinu i predali je nama u amanet. Naša je obaveza da našu domovinu državno i ekonomski snažimo, čuvamo i predamo našim potomcima. To je naša sveta, ljudska, patriotska i moralna obaveza. Želim da Vam čestitam Dan nezavisnosti naše domovine i neka Bosanci, uz Božju pomoć, zauvijek čuvaju neovisnu, slobodnu i jedinstvenu BiH, zajednicu svih njenih naroda“ kazala je, između ostalog, Općinska načelnica prilikom obraćanja na Svečanoj akademiji.





## Obilježen 7. april- Dan oslobođenja općine Visoko

U sklopu obilježavanja 7. aprila – Dana oslobođenja općine Visoko, predsjedavajuća Općinskog vijeća Mirela Mateša Bukva, primila je u prostorijama općine Visoko delegacije Udruženja anti-fašista i boraca NOR-a Visoko, Društva „Josip Broz Tito” i Koordinacionog odbora boračkih udruženja i organizacija općine Visoko.

Nakon prijema, uslijedilo je polaganje cvijeća na Spomen-kosturnicu borcima NOAR-a i Spomen-obilježje šehidima i poginulim borcima. Program obilježavanja završen je posjetom Zavičajnom muzeju Visoko, gdje je upriličena postavka „Srebrenica” i fotografije šehida općine Visoko.





## Obilježen 15. april- Dan Armije Republike Bosne i Hercegovine

**P**redstavnici općine Visoko na čelu sa Amrom Babić, Općinskom načelnicom, kao i predstavnicima boračkih udruženja, polaganjem cvijeća, učenjem Fatihe i minutom šutnje na Spomen-obilježju šehidima i poginulim borcima obilježili su 15. april - Dan Armije Republike Bosne i Hercegovine.

Nakon toga, uslijedila je posjeta šehidskom mezarju na Gradskom groblju i polaganje cvijeća na grobove Ilije Kneževića i Save Ferzanovića.



## Obilježen 3. maj- Dan otpora agresiji

Polanjanjem cvijeća na Spomen kosturnicu borcima NOAR-a i Spomen obilježje šehidima i poginulim borcima općine Visoko, otpočela je manifestacija obilježavanje 3. maja – Dana otpora agresiji. Svečani i prigodni program povodom ovog značajnog datuma, upriličen je na platou Spomen obilježja šehidima i poginulim borcima općine Visoko.



Općinska načelnica je pozdravila sve prisutne i održala uvodni govor u kojem je između ostalog rekla: *“Danas je dan kada se sjećamo vremena u kojem smo se borili za opstanak, za golu egzistenciju, na način kako smo to najbolje znali i mogli. Danas je dan kad se sjećamo zla koje je vječna kategorija, i koje na ovim nemirnim prostorima ne umire, samo se pritaji na neko vrijeme i ponovo iznenada bukne. Danas je dan kada se sjećamo odluke inata i ponosa, odluke koja je pokazala svo čudo bosanskog otpora silama koje su kanile uništiti jednu državu i jedan cijeli narod u srcu Europe, krajem XX vijeka. Odluke onih koji su Bosnu nosili u srcu, koji nisu imali rezervni pasoš niti rezervnu domovinu, odluke ostati i opstati. Danas im odajemo počast. Vrijeme u kojem danas živimo, kriza koja nas je zahvatila, traže istu takvu odlučnost. Snagu da istrajemo moramo crpiti iz naših iskustava i primjera prošlosti”.*



U nastavku obilježavanja Dana otpora agresiji uslijedio je obilazak šehidskog mezarja na Gradskom groblju Visoko, te je održan prijem kod Općinske načelnice za predsjednike boračkih organizacija i udruženja općine Visoko i ratnih komandanata. Nakon toga upriličena je javna tribina „Civilno društvo u periodu agresije“, te “Marš linijama odbrane grada” u kojem je sudjelovao veliki broj Visočana, koji je krenuo od Centralnog spomen obilježja šehidima i poginulim borcima općine Visoko, preko naselja Prijeko i Čekrekčije, do bivše kasarne “Ahmet Fetahagić”, gdje je održan „Čas historije“ i niz sportskih manifestacija.





## Obilježena 21. godišnjica pogibije komandanta Teufika Tufe Buze

U nedjelju, 16.6.2013. godine, obilježena je 21. godišnjica od pogibije ratnog heroja i komandanta Teufika Tufe Buze. Obilježavanje ovog datuma započelo je okupljanjem i odavanjem počasti šehidima i poginulim borcima općine Visoko na Spomen obilježju šehidima i poginulim borcima. Prigodan program održan je ispred kasarne "Teufik Tufo Buza" gdje su se okupili članovi porodice rahmetli Teufika Tufe Buze, prijatelji i suborci kako bi odali počast legendarnom heroju.

## Bajramski prijem predstavnika Islamske zajednice Visoko

Općinska načelnica Amra Babić i predsjedavajuća Općinskog vijeća Mirela Mateša Bukva, upriličile su bajramske prijeme za predstavnike Islamske zajednice općine Visoko. Na bajramskim prijemima razgovaralo se o radu Medžlisa IZ-a i budućoj suradnji sa Općinom Visoko. Predstavnici IZ-a su se zahvalili na dosadašnjoj pomoći koju pruža Općinska načelnica, te izrazili nadu za nastavak kvalitetne saradnje.



## Obilježen 29. august- Dan općine Visoko

Svečanom sjednicom Općinskog vijeća Visoko, posjetom Spomen kosturnici i Spomen obilježju šehidima i poginulim borbama, te prigodnim programom na krunidbenom mjestu bosanskih kraljeva u Milima kod Visokog, obilježen je 29. august, Dan općine Visoko.

Svečanosti obilježavanja Dana općine Visoko prisustvovao je veliki broj gostiju iz javnog, političkog i kulturnog života Visokog, Zeničko-dobojskog kantona i države, kao i ambasadori i drugi strani gosti.

Na svečanoj sjednici Općinskog vijeća dodijeljene su Povelje Općine Visoko, a 2013. godine dobili su ih Esad Durajlić, Mugdim Vranac, Organizacija boraca Unija veterana Visoko, kao i Povelja za životno djelo koju je dobio Nevzad Sirčo.

Na krunidbenom mjestu bosanskih kraljeva u Milima kod Visokog upriličen je historijski čas i prigodan program, a o značaju 29. augusta govorili su direktor Zavičajnog muzeja Visoko Senad J. Hodović i Općinska načelnica Amra Babić.



## Obilježen Dan planete Zemlje

Povodom 22. aprila - Dana planete Zemlje, Aktiv pedagoga osnovnih i srednjih škola s prostora općine Visoko, u saradnji s Općinom, na prigodan način obilježio je ovaj značajan datum.

Tradicionalno obilježavanje Dana planete Zemlje započelo je okupljanjem ispred Osnovne škole „Kulin Ban“, te mimohodom do Općine Visoko s jasnom porukom: PLASTIČNE KESE - TIHI UBICA PRIRODE. Načelnica Babić, obratila se prisutnim učenicima osnovnih i srednjih škola kao i prisutnim građanima, te uputila čestitke na učinjenom prvom koraku ka iskorjenjivanju ovog tihog ubice naše okoline.





## Ambasador Sjedinjenih Američkih Država posjetio Općinu Visoko

**A**mbasador Sjedinjenih Američkih Država (SAD) u Bosni i Hercegovini Patrick Moon posjetio je Općinu Visoko. Općinska načelnica dočekala je ambasadora Moona, nakon čega je upriličen obilazak Centra za pružanje usluga građanima općine Visoko.

Američki ambasador je izrazio zadovoljstvo posjetom Općini, te je čestitao Načelnici Babić na njenoj izbornoj pobjedi. Nakon obilaska Centra za pružanje usluga građanima, upriličen je sastanak u kabinetu Općinske načelnice.

## Ambasadorica SR Njemačke u posjeti Načelnici Općine Visoko

**A**mbasadorica Savezne Republike Njemačke u Bosni i Hercegovini, Ulrike Maria Knotz posjetila je Načelnicu Općine Visoko Amru Babić.

U srdačnom razgovoru razmijenile su mišljenja o socijalnoj zaštiti stanovništva, naročito osoba sa posebnim potrebama, o kulturno historijskom nasljeđu Visokog, te ciljevima i pravcima razvoja općine Visoko u narednom periodu.



## Ambasadorica Kraljevine Španije posjetila Općinu Visoko

Općinu Visoko posjetila je ambasadorica Kraljevine Španije, Maria Aurora Mehia Eraskin. Zajedno sa Predragom Prašalom, predsjednikom Evropskog pokreta u BiH, njena Ekselencija je razgovarala sa Načelnicom Amrom Babić i Fehimom Memićem, pomoćnikom Načelnice za društvene djelatnosti.

“Tema našeg razgovora bila je integracija BiH u evropske procese, put BiH ka EU, i sve ono što su preduvjeti, a što se može na nivou lokalne zajednice učiniti da taj put bude što brži i sigurniji. Nadam se vrlo dobroj saradnji između Kraljevine Španije i Općine Visoko”, kazala je između ostalog Općinska načelnica Amra Babić.

U okviru posjete našem gradu i projekta „Evropa u mojoj školi“, ambasadorica Kraljevine Španije upriličila je posjetu i Gimnaziji „Visoko“. Održano je predavanje o temi „Mladi u procesu EU integracija“, a prisutnim su se pored ambasadorice obratili Predrag Praštalo i Općinska načelnica Amra Babić.



## Ambasador Republike Indonezije posjetio Općinu Visoko

Prvi rezidencijalni ambasador Republike Indonezije u Bosni i Hercegovini Subijaksono Sujono sa pratnjom, boravio je u posjeti Općini Visoko.

Tokom susreta sa Načelnicom Amrom Babić i njenim saradnicima, ambasador Subijaksono Sujono naglasio je prijateljski odnos Indonezije i Bosne i hercegovine, kao i želju da se saradnja na području ekonomije intenzivira i dadne još konkretnije rezultate.

Načelnica Babić nije krila zadovoljstvo što je Visoko postalo mjestom ovakvih diplomatskih posjeta, koje za krajnji rezultat treba da imaju ostvarivanje bolje saradnje sa budućim partnerima u oblasti privrede, ekonomije, kulture i drugim životnim sferama.

Općinska načelnica Amra Babić upoznala je ambasadora Republike Indonezije u Bosni i Hercegovini, njegovu Ekselenciju Subijaksono Sujono sa ekonomskim i privrednim resursima kojima raspolaže općina Visoko, kao i projektima koji bi se mogli zajednički realizovati uz obostranu korist.





## Ambasador Republike Austrije u BiH posjetio Općinu Visoko

Austrijski ambasador Donatus Koeck posjetio je Visoko. Ova posjeta organizirana je u skladu s potpisanim dokumentom o „Evropskom partnerstvu“ između Općine Visoko i Evropskog pokreta u BiH.

Pored ambasadora Koecka, u Visokom je boravio i predsjednik Evropskog pokreta u BiH Predrag Praštalo i koordinator za pitanja mladih u FBiH Haris Plakalo. Nakon razgovora Općinske načelnice Babić i ambasadora Koecka o mogućnostima razvoja i jačanja poslovne saradnje između Austrije, tamošnjih sličnih lokalnih zajednica, poslovnih subjekata i Općine Visoko, uslijedio je obilazak kulturno-historijskih znamenitosti Visokog.

## Zamjenik ambasadora SAD u BiH posjetio Općinu Visoko

Općinu Visoko posjetio je zamjenik ambasadora Sjedinjenih Američkih Država u Bosni i Hercegovini Nicholas M. Hill sa saradnicima, i održao radni sastanak sa Općinskom načelnicom. Ovom prilikom, razgovaralo se o ekonomskom i privrednom potencijalu općine Visoko, a Općinska načelnica upoznala je zamjenika šefa misije Ambasade SAD u Bosni i Hercegovini sa bogatom historijom općine Visoko, kao i visočkim resursima. Tokom sastanka, gosti su izrazili zadovoljstvo i podršku realizaciji prezentiranih aktivnosti na polju dovođenja stranih investicija koje poduzima Općina Visoko na čelu sa Načelnicom.





## Šef Delegacije EU, Peter Sorensen posjetio Općinu Visoko

Šef Delegacije Evropske unije (EU) i specijalni predstavnik EU u Bosni i Hercegovini, ambasador Peter Sorensen, posjetio je Općinu Visoko u novembru 2013. godine i sa Općinskom načelnicom razmatrao ideje o napretku naše općine.

Sorensen je nakon susreta izjavio kako je cilj posjete bio uvidjeti izazove s kojima se susreću općinske vlasti, te pružiti podršku razvoju općine. "Općina Visoko je jako dobro organizovana općina koja ima kvalitetno rukovodstvo. Njen položaj treba iskoristiti za napredak" - kazao je Sorensen, te dodao da je pozitivno iznenađen kad je u pitanju informiranje javnosti o poslovanju Općine. Prilikom posjete ambasadora Sorensena, organizovan je okrugli sto sa privrednicima općine Visoko kao i posjeta firmama: "Semić", "Prevent" i "Secom", gdje se ambasador Sorensen upoznao sa radom istih.



## Grčki ambasador Karolos Gadis u posjeti Općini Visoko

U službenoj posjeti Općini Visoko, u mjesecu maju 2013. godine, boravio je ambasador Grčke u Bosni i Hercegovini, Njegova ekselencija Karolos Gadis. Ambasadora Grčke dočekala je Općinska načelnica Amra Babić sa saradnicima, nakon čega je uvaženog gosta upozнала s radom Centra za usluge građanima koji je jedan od najmodernijih u državi. Nakon obilaska Općine, upriličen je sastanak u kabinetu Načelnice. Na sastanku je Načelnica upozнала ambasadora s trenutnom situacijom u Visokom, kao i planovima i projektima koji se trebaju realizovati u budućnosti.



## Održana promocija knjige «Organizacija» autora Fuada Šišića

U Velikoj sali Općine Visoko održana je promocija knjige “Organizacija”, autora Fuada Šišića. Promotori knjige bili su Esmir Bašić, direktor biblioteke u Tešnju, Načelnik općine Tešanj Suad Huskić i Načelnica općine Visoko Amra Babić. Načelnica Babić naglasila je da ova knjiga može poslužiti kao vodič svim načelnicima i da predstavlja zbir teoretskog i praktičnog znanja i iskustva kojim raspolaže autor o

teoriji organizacije. “Kroz etiku, moral, međuljudske odnose, autor nas vodi teorijom organizacije koju primjenjujemo ili možemo primjenjivati u svojim životima. Ova knjiga ne predstavlja samo udžbenik za ljude koji se bave administracijom nego predstavlja udžbenik za sve koji žele nešto naučiti iz teorije organizacije i isto primijeniti u vlastitim životima” - istakla je Načelnica.



## Održana Javna tribina «Civilno društvo u periodu agresije»

U sklopu manifestacije 3. maj – Dani otpora agresiji, u Velikoj sali Općine, u maju 2013. godine, održana je Javna tribina pod nazivom “Civilno društvo u periodu agresije”. Želja organizatora je bila da se organizacijom ove Tribine od zaborava otrgnu i na zaslužno mjesto stave ljudi, organizacije,

djela i datumi iz historijski bitnog, i za opstojnost presudnog perioda života građana općine Visoko. Na Javnoj tribini govorilo se o ratnoj bolnici, ratnoj školi, civilnoj zaštiti, mjesnim zajednicama, informisanju i kulturi u ratu, humanitarnim agencijama i organizacijama, zbrinjavanju izbjeglica i distribuciji pomoći.



## Javna diskusija o položaju žena u političkom životu BiH

**V**iše od 40 žena iz šest gradova i šest političkih partija, učestvovalo je na diskusiji o ulozi žena u političkom životu, organizovanoj u Velikoj sali Općine Visoko, uz pokroviteljstvo Općine Visoko i Općinske načelnice Amre Babić, te Udruženja INFOHOUSE i Fondacije CURE. Kao govornice - uvodničarke, na javnoj diskusiji, bile su Općinska načelnica Amra Babić, Jadranka Miličević direktorica Fondacije CURE, kao i

Dženana Alađuz direktorica Udruženja INFOHOUSE, koje su sa prisutnim podijelile informacije o ulozi i snazi žena danas. Iako čine većinu od 52%, bosansko-hercegovačke žene i dalje spadaju u marginalizirane grupe. Javna diskusija dala je prostor za promišljanje o ulozi i neiskorištenim potencijalima žena u političkom i javnom životu BiH, kao i o problemima sa kojima se suočavaju žene u svojoj lokalnoj zajednici.



## Otvorena izložba «Bajram na starim čestitkama i fotografijama»

**U** Zavičajnom muzeju Visoko održana je promocija izložbe "Bajram na starim čestitkama i fotografijama" autora profesora Senada J. Hodovića u sklopu obilježavanja Kurban - bajrama. Na ovoj izložbi je predstavljeno 320 eksponata, koje je u protekle četiri decenije prikupljao profesor Senad J. Hodović.

Pokrovitelj ove izložbe bio je Rijaset islamske zajednice Bosne i Hercegovine. Izložbu je otvorila Općinska načelnica Amra Babić, a prisutnima se u ime Rijaseta IZ u BiH obratio prof. dr. Hilmo Neimarlija, predavač na Fakultetu islamskih nauka u Sarajevu, kao i sam autor izložbe, profesor Senad J. Hodović.



## Održane «BH Telecom Sportske igre mladih»

Po prvi put u Visokom, na terenima MSŠ „Poligon“, u KSC „Mladost“ upriličeno je održavanje manifestacije "BH Telecom Sportske igre mladih". Takmičenje je svečano otvoreno u malom nogometu za kategoriju '97. godište i mlađe, a početni udarac izvela je Općinska načelnica. Na takmičenje u Visokom prijavljeno je više od 600 dječaka i djevojčica, a najbolji su dobili priliku da putuju na finalno takmičenje u Sarajevu. Pored malog nogometa za stariju kategoriju, učesnici su imali priliku takmičiti se i u mlađoj kategoriji za ovaj sport, te u odbojci, rukometu, uličnoj košarci i igri „između dvije vatre“.

## Javno gledanje nogometne utakmice Litvanija - BiH

RTV Visoko i Općina Visoko organizovali su u centru grada, javno gledanje "historijske" nogometne utakmice reprezentacija Litvanije i Bosne i Hercegovine, koja je reprezentaciju Bosne i Hercegovine odvela na Svjetsko prvenstvo u nogometu koje će se održati 2014. godine u Brazilu. Veliki broj građana Visokog, naročito mladih ljudi je prisustvovao ovom događaju i dostojanstveno, uz puno sreće i radosti proslavio veliku pobjedu državne nogometne reprezentacije.





## Održana manifestacija «Prijatelji za mladost Visokog»

**K**ulturno-sportska manifestacija "Prijatelji za mladost Visokog" održana je 29.5.2013. godine, na stadionu Luke, pod pokroviteljstvom Općine Visoko. U kulturno-zabavnom programu nastupali su Enes Begović, Adnan Jakupović, Denial Ahmetović, Nihad Alibegović, Anida Idrizović, Amela Šehović, Armin Muzaferija, Šaćir Ameti, Samir Burić Čupo, Adnan Koljenović.

U sklopu manifestacije održana je i revijalna utakmica između legendi NK "Bosna" Visoko i muzičkih zvijezda. Svoje učešće na manifestaciji uzeli su i bosansko-hercegovački nogometni reprezentativci, Senijad Ibričić, Haris Medunjanin i Mensur Mujdža, koji su u poluvremenu zajedno sa Općinskom načelnicom Amrom Babić uručili vrijedne donacije u sportskoj opremi od Općine Visoko za sve visočke nogometne škole.





## Manifestacija «Visočko ljeto 2013» - održani Dani kulture i sporta

U periodu od 24. do 29. augusta 2013., u Visokom su održani Dani kulture i sporta u sklopu manifestacije “Visočko ljeto 2013”. Na Ljetnoj pozornici, tokom trajanja manifestacije, održani su mnogobrojni koncerti, priredbe i nastupi. Na sportskim terenima upriličena su takmičenja u košarci, fudbalu, streljaštvu, boksu i drugim sportovima.

U bogatom kulturnom programu, na Ljetnoj pozornici, Visočani su imali priliku uživati u različitim sadržajima. Visočkoj javnosti se predstavila prijateljska zemlja Indonezija sa “Poslovnom večerom za goste” kao i tradicionalnim plesovima. Folklorne nastupe su imali ansambl iz Ankare i mališani iz “JU za predškolski odgoj i obrazovanje”. Predstavljena je sestrinska općina Altindag, održan solistički koncert


Enesa Begovića, žene iz UG “Sumejja” organizovale su izložbu rukotvorina “Bosanski ćilim”, “Teatar Total” za sve ljubitelje pozorišne umjetnosti odigrao je predstavu “Večera budala”, održane su promocije dvije knjige, održani nastupi Omladinskog ansambla općine Tešanj i Muzičkog ansambla i hora “Preporod” Ilijaš, a za kraj manifestacije KUD “Visoko”, kao i domaći bend “Uncle Sen” priredili su odlične nastupe.





## Otvorena manifestacija «Dani organske proizvodnje 2013»

U septembru 2013. godine upriličeno je otvaranje, sedme po redu, tradicionalne manifestacije “Dani organske proizvodnje 2013.” u Visokom. Savez udruženja organskih proizvođača FBiH uz pokroviteljstvo Općine Visoko, bio je organizator ove jednodnevne manifestacije na kojoj su predstavljeni proizvodi i proizvođači organske hrane s prostora cijele Federacije BiH.



## Održan izložbeno - prodajni sajam «Jesen u Visokom 2013»

Izložbeno-prodajni sajam poljoprivredno-prehrambenih proizvoda "Jesen u Visokom" održan je tradicionalno kao i prethodnih godina. Organizator Sajma je bila Općina Visoko, a posjetitelji su mogli izabrati domaće, zdrave i kvalitetne proizvode, jer su učešće na Sajmu uzeli proizvođači organske hrane, suhomesnatih, mliječnih i pčelinjih proizvoda. Također, postavljena je i prodajna izložba osam zanatlija – obrtnika općine Visoko i Udruženja žena “Nit života”.



## Realizovani infrastrukturni projekti vrijedni više od 4 miliona KM

Općina Visoko je tokom 2013. godine uspješno ugovorila i realizovala projekte iz oblasti cestovne, vodovodne i kanalizacione infrastrukture, komunalne infrastrukture, rasvjete i projektovanja čija ukupna vrijednost iznosi: 4.363.804,06 KM.



## Izvršeno deminiranje šireg područja Prijekog

U 2013. godini izvršeno je deminiranje šireg područja Prijekog, tačnije lokaliteti Prijeko 3A, Vrela i Vrela 1. Deminerska organizacija "DOK-ING deminiranje" u toku rada je poštovala zahtjeve Standarda Bosne i Hercegovine, i rad izvodila prema odobrenim standardima operativnih procedura (SOP-u). Tokom izvođenja zadatka deminiranja, izvođen je i stručni nadzor od strane inspeksijskih organa za osiguranje kvaliteta BHMAC-a. Tokom stručnog nadzora, kontrola kvaliteta izvedena je prema ISO 2859-0, primjenom metode slučajnog odabira uzorka.

Na osnovu Zakona o deminiranju u BiH, Ministarstvo civilnih poslova izdalo je Uvjerenje o izvršenoj kontroli kvalitete tehničkog izviđanja i uvjerenja se odnose na ove tri lokacije. Prilikom deminiranja pronađene su: PP mine – PMA 3 – 68 komada, PP mine – PMA 2 – 20 komada, PMR – 2A – 1 komad, Haubičko zrno – 3 komada, Tromblona – 6 komada, Ručnih bacača – 1 komad, Ručnih bombi i ostalog NUS-a – 8 komada. Sve pronađene mine i ostali NUS, uništen je po propisima i procedurama koje nalaže BHMAC. Također, projekat deminiranja nastavit će se i sljedeće godine.



**POKLON BRATSKE OPĆINE ALTINDAG**

## Započeta izgradnja Kulturnog centra Prijeko

Radovi na Kulturnom centru u Prijekom, koji će se realizirati na osnovu Sporazuma Općine Visoko i bratske općine Altindag (Ankara), Republika Turska, započeli su sredinom novembra 2013. godine.

U sklopu Kulturnog centra, između ostalog, nalazit će se: kongresna dvorana, višenamjenski izložbeni salon, kino sala, prostorije za odgoj i obrazovanje, biblioteka i čitaonica, kao i multimedijalne prostorije. Savremeni Kulturni centar u Prijekom, završetkom izgradnje, ponudit će mogućnost održavanja brojnih kulturnih, zabavnih i drugih događaja, te time obogatiti kulturni i društveni život Visokog. Objekat će biti uklopljen u prelijepi ambijent parka naslonjenog na samu obalu rijeke Fojnice, što mu daje dodatnu vrijednost i ljepotu. Saobraćajnica koja vodi u naselje Prijeko će biti izmještena iza Kulturnog centra. Završetak izgradnje Kulturnog centra u Prijekom očekuje se krajem 2014. godine.



## Počeli radovi na pomoćnom terenu Gradskog stadiona «Luke»

Projekt postavljanja umjetne trave na pomoćni teren Gradskog stadiona Luke, počeo se realizovati nakon održane Kulturno-sportske manifestacije "Prijatelji za mladost Visokog", čiji je pokrovitelj bila Općina Visoko. Trenutno je završena prva faza radova, koja je uključivala skidanje postojeće podloge na pomoćnom terenu, iskop drenažnih kanala s postavljanjem drenažnih cijevi, završno zatrpavanje s poravnanjem podloge za postavljanje umjetne trave, te izrada betonskih rigola za odvodnju oborinskih i površinskih voda. Vrijednost ovih radova iznosila je 103.077,23 KM čiji je izvođač bila Asfaltgradnja d.o.o. Umjetna trava, koja će se postaviti, stigla je u Visoko i donacija je prijatelja iz Republike Turske, kao i Načelnika Općine Inegol (Turska), Alinur Aktasa.






## Izgrađena ambulanta porodične medicine «TIKA - Moštre»

Izgradnja ambulante porodične medicine u Donjem Moštru započela je 2010. godine, da bi svoju punu ekspanziju postigla 2013. godine dolaskom Amre Babić na mjesto Načelnice općine Visoko, koja je potpisala ugovor za realizaciju projekta izgradnje i opremanja ambulante sa Turskom agencijom za međunarodnu saradnju i koordinaciju (TIKA) o cjelokupnom finansiranju, u iznosu od oko 900.000 KM.

Općinska načelnica Amra Babić i direktor Turske uprave za međunarodnu saradnju i razvoj (TIKA) u BiH, dr. Zulkuf Oruč, 12. marta 2013. godine, ozvaničili su početak radova potpisivanjem Protokola o uvođenju izvođača u radove izgradnje ambulante, a Protokol je realiziran u septembru 2013. godine. Ambulanta porodične medicine u Moštru, svečano je otvorena 16. januara 2014. godine, a svečanosti su prisustvovali član Predsjedništva BiH Bakir Izetbegović, zamjenik premijera Republike Turske Emrullah İsleri, direktor TIKA-e Serdar Cam, ministrica - savjetnik u Ambasadi Republike Turske u BiH Yasemin Eralp, Direktor TIKA-e za BiH Zulkuf Oruc i Načelnik općine Altindag Veysel Tiryaki.

Svečanom ceremonijom presijecanja vrpce otvoren je i pristupni put do ambulante porodične medicine koja nosi naziv "TIKA", a Direktor TIKA-e Serdar Cam je kazao da je ambulanta u Moštru prvi objekat na Balkanu koji nosi taj naziv. Ambulanta porodične medicine u Moštru je rezultat prijateljstva između Bosne i Hercegovine i Republike Turske, te će ista popraviti standard života i pomoći nastavak napretka i prosperiteta općine Visoko. U ambulanti porodične medicine "TIKA" Moštre, radi pet timova medicinskog osoblja u dvije smjene, svaki radni dan (osim subote i nedjelje) od 07:00 do 20:00 sati, te je na raspolaganju za oko 12.500 stanovnika Moštra i okolnih naselja.





## Aplicirani projekti Općine Visoko u 2013. godini

Općina Visoko je u toku 2013. godine pratila sve objavljene Javne pozive od strane državnih, entitetskih i kantonalnih ministarstava, institucija, fondova, vladinih i nevladinih organizacija, ambasada u BiH, međunarodnih agencija i aplicirala projekte prema objavljenim Javnim pozivima.

Općini Visoko su odobrena sredstva od Turske međunarodne agencije za razvoj i saradnju TIKA za **izgradnju ambulante u Moštru**, a takođe TIKA je donirala općini Visoko **tri vozila za skupljanje komunalnog otpada**.

**Za nabavku vozila za prikupljanje komunalnog otpada kapaciteta 9t**, Općini Visoko je odobrila sredstva i SIDA - Švedska razvojna agencija.

**Za podršku odvoza i deponovanja komunalnog otpada** sa područja Općine Visoko na RD „Moščanica“ **Federalno ministarstvo okoliša i turizma** Općini Visoko odobrilo je sredstva u vrijednosti **19.000,00 KM**. Takođe, odobrena su **sredstva za realizaciju plana prilagođavanja upravljanja otpadom** za deponiju komunalnog otpada Općine Visoko u vrijednosti **108.347,00 KM**.

**Za izradu Studijsko projektne dokumentacije** za unapređenje komunalne infrastrukture u cilju zaštite okoliša i ravnomjernog korištenja vodnih resursa na području općine Visoko, **Fond za zaštitu okoliša** Općini Visoko je odobrio **100.000,00 KM**.

Takođe smo u saradnji sa Javnim ustanovama na području općine Visoko uvedeni u registar **Fonda za zaštitu okoliša** za formiranje baze podataka **za utopljanje sljedećih javnih ustanova**:

1. JU Općina Visoko
2. JU za predškolski odgoj i obrazovanje Visoko
3. JU Gradska biblioteka Visoko
4. JU Zavičajni muzej Visoko
5. JU Centar za kulturu i edukaciju
6. JU KSC «Mladost»
7. JU Dom zdravlja Visoko

Općina Visoko je uputila aplikaciju **Federalnom ministarstvu kulture i sporta** za realizaciju projekta **Obilježavanje lokaliteta «Mili», Krunidbenog, stolnog i grobnog mjesta bosanskih vladara**, te su Općini Visoko odobrena sredstva u vrijednosti **10.000,00 KM**.

Kada je riječ o vodnim naknadama Ze-do kantona za 2013. godinu **Ministarstvo za poljoprivredu, šumarstvo i vodoprivredu Zeničko-dobojskog kantona** Općini Visoko je odobrilo sredstva za realizaciju sljedećih projekata:

- **Izgradnja kanalizacione mreže u naselju Oštrac, MZ Buci, Općina Visoko - 70.000,00 KM**
- **Rekonstrukcija lokalnog vodovoda „Kučetine“ sa povećanjem kapaciteta i proširenjem zone vodosnabdijevanja - 100.000,00 KM**
- **Izrada projektne dokumentacije za izgradnju kolektora otpadnih voda na potezu između mosta „Konfekcija“ na rijeci Fojnici do lokaliteta „Luka“- 30.000,00 KM**
- **Rekonstrukcija lokalnog vodovoda u naselju Radinovići sa povećanjem kapaciteta i proširenjem zone vodosnabdijevanja -100.000,00 KM**



Bitno je istaći da je Općina Visoko uspjela završiti sve obaveze prema Sporazumu o realizaciji vodnih naknada potpisanom između Općine Visoko i Ministarstva za poljoprivredu, vodoprivredu i šumarstvo Ze-do kantona.

Općina Visoko je aplicirala **Agenciji za vodno područje sliva rijeke Save, Sarajevo** za Projekat uređenja - čišćenja desne obale rijeke Bosne od Betonskog mosta do streljane, i odobrena su sredstva u vrijednosti od **50.000,00 KM**. Sredstva su utrošena za realizaciju projekta **Regulacija rijeke Bosne sa obaloutvrdom (desna obala)**.

**Ministarstvo za prostorno uređenje, promet, komunikaciju i zaštitu okoliša Ze-do kantona za projektovanje i izgradnju kružnih tokova «Stara Ciglane» i kod naplatnih kućica** Općini Visoko odobrilo je **dio potrebnih sredstava**, pa je urađena projektna dokumentacija za navedeni projekat.

**Vlada Ze-do kantona** općini Visoko je odobrila **44.990,60 KM za izgradnju javne rasvjete u Šarenim Hanovima**, a takođe **Vlada Ze-do kantona** je odobrila i sredstva za realizaciju projekta **Rekonstrukcija mosta na rijeci Bosni u Dobrinju - 365.224,44 KM**.

Prema **Ambasadi Kraljevine Norveške** upućena je aplikacija **za izgradnju dječjeg parka u naselju Dahirovac**, i odobrena su sredstva u vrijednosti **18.900,56 KM**.





## Premijer Republike Turske Recep Tayyip Erdogan upriličio prijem za Načelnicu Amru Babić

Općinska načelnica Amra Babić, u proteklih godinu dana sastala se dva puta sa premijerom Republike Turske Recep Tayyip Erdoganom, te je iskoristila ove prilike da razgovara o budućoj saradnji, projektima kao i investicijama Republike Turske u općini Visoko.





## Zamjenik premijera Republike Turske posjetio Općinu Visoko

Zamjenik premijera Republike Turske Bulent Arinc, boravio je u dvodnevnoj posjeti Bosni i Hercegovini. Programom posjete Arinc je odmah nakon dolaska u Sarajevo, prvo posjetio Općinu Visoko gdje je razgovarao sa Općinskom načelnicom Amrom Babić. U Turskoj delegaciji su pored zamjenika premijera i njegovih saradnika, također bili i ambasador Republike Turske u BiH, generalni direktor Agencije Anadoluja i predstavnici TIKE.



## Delegacija Općine Umranije (Istanbul) u posjeti Općini Visoko

U posjeti Općinskoj načelnici Amri Babić boravila je delegacija istanbulske Općine Umranije (Umraniye) na čelu sa gradonačelnikom Hasanom Džanom (Hasan Can). Nakon kraćeg razgovora Općinske načelnice Babić i gradonačelnika Umranije Hasana Džana, predstavljanja dviju općina, uslijedila je razmjena prigodnih poklona.





## Premijer Erdogan lično uručio ključeve vozila Načelnici Babić

Na poziv Ministarstva prostornog uređenja i Okoliša Republike Turske, Općinska načelnica Amra Babić je sa svojim saradnicima boravila u Ankari. U sportskoj dvorani uz prisustvo premijera Recep Tayyip Erdogana, ministra za okoliš i urbanizam Erdogan Bayraktara i ostalih visokih gostiju i zvaničnika upriličena je manifestacija dodjele 389 vozila, ukupne vrijednosti oko 60 miliona turskih lira. Premijer Erdogan je lično uručio ključeve tri komunalna vozila Načelnici Amri Babić, te je tako Općina Visoko postala jedina općina izvan granica Republike Turske, kojoj je dodijeljen dio opreme.





## Delegacija predvođena Sulejmanom Tihićem posjetila Visoko

Općinu Visoko posjetili su Sulejman Tihić, predsjednik Stranke demokratske akcije i predsjedavajući Doma naroda Parlamentarne skupštine Bosne i Hercegovine, Amir Zukić, generalni sekretar SDA, Asim Sarajlić, predsjednik Kluba zastupnika SDA u Predstavničkom domu Parlamentarne skupštine Bosne i Hercegovine, Sanjin Halimović, federalni ministar razvoja, poduzetništva i obrta, Salmir Kaplan, federalni ministar kulture i sporta, te Erdal Trhulj, federalni ministar energije, rudarstva i industrije. Prijemu kojeg je upriličila Općinska načelnica Amra Babić

prisustvovali su predsjednik OO SDA Visoko Halim Zukić i predsjedavajuća Općinskog vijeća Visoko Mirela Mateša Bukva. Tokom prijema Općinska načelnica Babić upoznala je goste s trenutnim stanjem i najvećim problemima u razvoju naše općine, a također i s razvojnim planovima. Predsjednik SDA Sulejman Tihić nakon susreta, rekao je novinarima da je cilj posjete pomoći općini Visoko posredstvom struktura koje SDA ima na federalnom i državnom nivou u rješavanju dugoročnih nagomilanih problema i realizaciji ambicioznih planova rukovodstva Općine Visoko.






## Radna posjeta Načelnice Babić Sjedinjenim Američkim Državama

Načelnica Općine Visoko Amra Babić, kao član delegacije pet općinskih načelnika iz BiH, na poziv Ambasade SAD-a u BiH i u organizaciji State Departmenta, boravila je u radnoj posjeti Sjedinjenim Američkim Državama. Posjeta je organizovana u okviru programa IVLP (International Visitor Leadership Program) na temu "Lokalna samouprava i njen ekonomski razvoj", prilikom koje je delegacija posjetila niz Općina, organizacija, institucija i nevladinih udruženja u Washington DC-u, te saveznom državama Ohio, New Hampshire i New York.



## Prijem za Načelnicu Amru Babić u Ankari

Načelnica Općine Visoko Amra Babić s općinskom delegacijom, boravila je u posjeti Turskoj u okviru koje se u zgradi turske vlade sastala sa zamjenikom turskog premijera Bekirom Bozdagom. Tokom susreta, Bozdag je Načelnici Babić čestitao na pobjedi na lokalnim izborima u Bosni i Hercegovini, kao i na tome da je postala prva pokrivena načelnica općine u Evropi. Načelnica Babić je iskoristila ovu priliku da se zahvali na prijemu u Vladi Turske kao i za podršku turskog naroda Bosni i Hercegovini. Na sastanku je razgovarano o aktuelnoj političkoj zbilji u Bosni i Hercegovini, sa osvrtom na lokalnu samoupravu i mogućnosti intenziviranja saradnje lokalnih zajednica u Bosni i Hercegovini s odgovarajućim instancama vlasti u Turskoj.





## Potpisan Memorandum o saradnji u procesu EU integracija

**M**emorandum o saradnji u procesu EU integracija između Općine Visoko i Evropskog pokreta potpisali su Načelnica Općine Visoko Amra Babić i predsjednik Evropskog pokreta u Bosni i Hercegovini Predrag Praštalo. Prihvatanjem "Evropskog partnerstva" Općina Visoko na najkonkretniji način još jednom pokazuje svoju otvorenost i spremnost da kao društveno odgovorna lokalna zajednica pruži maksimalnu podršku uspjehu procesa EU integracija Bosne i Hercegovine.





## Načelnica Babić izabrana u Skupštinu Saveza općina i gradova

Savez, kao nevladina i neprofitna organizacija nastala je udruživanjem općina i gradova u Federaciji Bosne i Hercegovine na osnivačkoj Skupštini 29.05.2002. godine u Mostaru. Dokument o osnivanju federalnog Saveza potpisale su 54 članice, te zajednički usvojile Statut novoosnovanog Saveza. Pravni je sljedbenik Zajednice opština i gradova Socijalističke Republike Bosne i Hercegovine koja je konstituisana 1972. godine sa ciljem da unapređuje i razvija sistem lokalne samouprave, štiti interese lokalnih zajednica, te razvija međugradsku i međunarodnu saradnju.

U okviru Saveza ostvaruje se slobodna razmjena iskustava i mišljenja, promocija zajedničkih interesa, učešće u konsultacijama za donošenje propisa, zaštita zajedničkih interesa, te saradnja sa nacionalnim i međunarodnim asocijacijama, organizacijama i institucijama vlasti. Na izbornoj Skupštini Saveza općina i gradova Federacije Bosne i Hercegovine koja je održana od 06. - 07.02. 2014. godine u Fojnici izabrano je novo rukovodstvo ove organizacije koje će je voditi naredne četiri godine, a Načelnica Općine Visoko Amra Babić izabrana je kao član Predsjedništva ispred općina ZDK.





## Općina Visoko i Općinska Načelnica dobitnici nagrada Evropskog pokreta u BiH

Evropski pokret u Bosni i Hercegovini, u prisustvu brojnih visokih zvanica i diplomatskog kora, u Prnjavoru je početkom maja 2013. godine, održao Svečanu akademiju u okviru Centralne manifestacije kojom se obilježava 9. maj Dan Evrope u BiH. Manifestaciji su prisustvovali Specijalni predstavnik EU u BiH Peter Sorensen, Visoki predstavnik Valentin Inzko, predstavnici institucija BiH, RS i Federacije BiH kao i

predstavnici lokalnih zajednica, predstavnici privrednika i medija. Podijeljene su i nagrade za doprinos evropskim integracijama u Bosni i Hercegovini a među dobitnicima bila je i Općinska načelnica Amra Babić koja je dobila priznanje "Najbolja žena - načelnica Bosne i Hercegovine 2013", dok je općina Visoko proglašena za "Evropski otvoreni grad Bosne i Hercegovine 2013".



# PROJEKAT 2013. - AMBULANTA "TIKA" MOŠTRE



Stara zgrada ambulante u Moštru



Mart 2013. početak izgradnje - danas ambulanta porodične medicine za 12 500 ljudi



Nova zgrada ambulante u Moštru



# OPĆINA VISOKO

